

MESYUARAT KEDUA, PENGKAL PERTAMA
PARLIMEN KEEMPAT BELAS
2018

HARI ISNIN : 19 NOVEMBER 2018

SOALAN NO. :1

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL PERTAMA
PARLIMEN KEEMPAT BELAS**

PERTANYAAN : LISAN

DARIPADA : TUAN WONG TACK [BENTONG]

TARIKH : 19 NOVEMBER 2018 (ISNIN)

SOALAN NO.1

Tuan Wong Tack [Bentong] minta **MENTERI AIR, TANAH DAN SUMBER ASLI** menyatakan keluasan kawasan untuk projek penanaman semula hutan besar-besaran yang akan dilaksanakan oleh badan bukan Kerajaan Tropical Rainforest Conservation and Research Centre. Adakah ini bermakna sistem pengurusan hutan secara mampan yang diguna pakai selama ini telah mengakibatkan kemerosotan hutan asli.

SOALAN NO.1

JAWAPAN:

Tuan Yang di-Pertua,

Pihak Kementerian belum lagi membuat keputusan berkenaan dengan cadangan penanaman semula yang dikemukakan oleh (TRCRC).

Berkaitan dengan cadangan penanaman semula ini, hal ini bukan bermakna kemerosotan hutan asli telah berlaku. Program penanaman semula ini adalah bertujuan untuk memulihkan hutan terosot (*degraded forest*) seperti kawasan diteroka, terbakar, ribut dan kawasan bekas lombong.

Untuk makluman YB, Hutan Simpan Kekal (HSK) kita sekarang bertambah dan bukannya berkurang. Sehingga 31 Disember 2017, keluasan Hutan Simpan Kekal (HSK) di Semenanjung adalah 4,811,226 hektar iaitu kira-kira 36.42 peratus daripada keluasan tanah di Semenanjung (13,209,065 hektar). Ini merupakan peningkatan sebanyak 23,968 hektar atau 0.5 peratus dari jumlah keluasan HSK bagi tahun 2008 (4,787,258 hektar).

Ini menunjukkan bahawa Pengurusan Hutan Secara Berkekalan yang diamalkan di Semenanjung pada masa ini tidak mengakibatkan kemerosotan hutan. Kemerosotan hutan yang berlaku adalah disebabkan oleh penukaran guna tanah (*land use conversion*).

Terima kasih kepada YB Bentong sememangnya Yang Berhormat merupakan pencinta alam semula jadi. Namun sebagaimana sedia maklum, bidang kuasa pentadbiran adalah dibawah bidang kuasa kerajaan negeri sepertimana Pekara 74(2) Pelembagaan Persekutuan. Pihak Kementerian telah membuat semula semakan Akta Perhutanan Negara 1984 [Akta 313] untuk menambah baik pentadbiran pengurusan pembangunan dan pemuliharaan hutan. Salah satu tujuannya adalah untuk mengukuhkan kerjasama Kerajaan Persekutuan dengan Kerajaan Negeri dalam melaksanakan Akta 313 tersebut.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL PERTAMA
PARLIMEN KEEMPAT BELAS**

PERTANYAAN : **LISAN**

DARIPADA : **DATO' SERI HAMZAH ZAINUDIN
[LARUT]**

TARIKH SOALAN : **19 NOVEMBER 2018 [ISNIN]**

SOALAN NO.2

Minta **MENTERI PEMBANGUNAN USAHAWAN** menyatakan halatuju dan bentuk bantuan yang disediakan bagi usahawan tempatan dalam mengharungi era ekonomi digital pada Revolusi Industri 4.0.

JAWAPAN

Tuan Yang di-Pertua,

Sebagai sebuah negara yang bergantung kepada pasaran global dan terus menyasar menjadi negara pengeluar, Malaysia perlu meningkatkan rantai nilai dan menjadi pangkalan perkilangan berkualiti tinggi menerusi penggunaan teknologi agar negara lebih berdaya saing di peringkat antarabangsa. Industri 4.0 akan mendorong syarikat-syarikat tempatan untuk menggunakan automasi, inovasi dan teknologi terkini dalam proses pembuatan masing-masing. Ianya seterusnya akan membolehkan syarikat-syarikat PKS untuk meningkatkan kecekapan, produktiviti dan pulangan pelaburan serta daya saing industri tempatan.

Terdapat beberapa inisiatif yang sedang dilaksanakan oleh Kerajaan untuk menyokong serta membantu PKS tempatan mempersiapkan diri ke arah Industri 4.0. Antara inisiatif di bawah Kementerian Pembangunan Usahawan (MED) yang dikelolakan melalui agensi dibawahnya adalah seperti berikut:

- (i) Program *Business Accelerator* (BAP) oleh SME Corp Malaysia bagi memenuhi keperluan PKS untuk menggunakan teknologi Industri 4.0. Antara elemen pembiayaan yang layak dipertimbangkan adalah pembelian lesen perisian, pembelian perisian dan peralatan dan automasi mesin serta robotik yang berkaitan. Insentif ini berbentuk geran bersamaan 50% sehingga RM400,000. Di bawah skim ini, PKS juga boleh mendapat bantuan pinjaman mudah sehingga RM1 juta pada kadar faedah 4% dengan margin pembiayaan sehingga 90% dan tempoh pembayaran sehingga 10 tahun.
- (ii) Kerjasama antara SME Corp Malaysia dengan Penang Skills Development Centre (PSDC) bagi memperkukuhkan '*local system integrators*' untuk mewujudkan ekosistem bagi menggalakkan penggunaan teknologi Industri 4.0 di kalangan PKS.

NO. SOALAN : 2

- (iii) Gerakan koperasi akan terus diperkasakan supaya lebih berdaya maju dan berdaya saing dalam persekitaran teknologi Industri 4.0. Ini termasuk usaha bagi membantu meluaskan peluang perniagaan koperasi, mengukuhkan lagi perhubungan industri dan penyelidikan yang berterusan.

Sekian, terima kasih.

.....

**PEMBERITAHUAN PERTANYAAN DEWAN RAKYAT
MESYUARAT KEDUA, PENGGAL PERTAMA
PARLIMEN KE-EMPAT BELAS**

PERTANYAAN : LISAN

**DARIPADA : TUAN MA'MUN BIN SULAIMAN
RAHMAN
[KALABAKAN]**

TARIKH : 19 NOVEMBER 2018 (ISNIN)

SOALAN NO. 3

Minta **MENTERI PENGANGKUTAN** menyatakan sama ada Jabatan Pengangkutan Jalan (JPJ) boleh mewujudkan satu sistem baru yang lebih telus seperti tempahan dan pembayaran nombor pendaftaran kenderaan baru dibuat secara atas talian terus atau *direct online* kepada orang ramai untuk mengelakkan keterlibatan pihak-pihak tertentu yang dilaporkan mengambil kesempatan atas penjualan nombor-nombor tersebut. Adalah juga diminta agar nombor pendaftaran kenderaan istimewa yang selalu mendapat permintaan tinggi dapat diberi harga siling (*ceiling price*) dalam pembelian terbuka kepada orang ramai.

JAWAPAN

Yang di-Pertua,

1. Untuk makluman ahli-ahli Yang Berhormat, Akta Pengangkutan Jalan (APJ) 1987 [Akta 333] telah memperuntukkan kuasa untuk mewujudkan, menetapkan, menguntuk dan mengenakan fi (bayaran) ke atas nombor pendaftaran sesuatu kenderaan kepada Menteri atau Pengarah bagi Pengangkutan Jalan yang dilantik di bawah Seksyen 3 akta tersebut. Seksyen 11 APJ 1987 telah menetapkan bahawa semua kenderaan yang telah didaftarkan perlu diuntukkan satu (1) tanda indeks (yang disebut sebagai “nombor pendaftaran”) bagi menunjukkan kawasan kenderaan didaftarkan. Pengarah pula boleh menetapkan kadar bayaran (fi) bagi nombor pendaftaran yang telah diuntukkan kepada kenderaan tersebut.
2. Selaras dengan APJ 1987, Seksyen 5 dalam Kaedah-kaedah Kenderaan Bermotor (Pendaftaran dan Pelesenan) 1959 telah menetapkan peraturan/prosidur mengenai penguntukkan nombor pendaftaran. Dalam hubungan ini, nombor pendaftaran hendaklah dibuat mengikut kepada kawasan sesuatu kenderaan didaftarkan sama ada di Semenanjung atau negeri dan bahagian di Sabah dan Sarawak.
3. Selain daripada nombor pendaftaran yang mengikut kawasan pendaftaran, nombor pendaftaran istimewa telah turut diperkenalkan selaras dengan Kaedah 5A, Kaedah-kaedah Kenderaan Bermotor (Pendaftaran dan Pelesenan) 1959. Pemberian nombor pendaftaran istimewa ini adalah berdasarkan kepada peraturan-peraturan yang ditetapkan oleh Menteri. Antara nombor-nombor istimewa yang pernah dikeluarkan sebelum ini adalah Malaysia, ASEAN XV, BAMbee dan SUKOM.
4. Berdasarkan kepada proses semasa, nombor-nombor pendaftaran sesuatu kenderaan boleh diperolehi oleh orang ramai melalui dua (2) kaedah. Bagi nombor-nombor istimewa dan menarik seperti nombor satu angka, nombor berturutan dan sebagainya, orang

ramai boleh mendapatkan nombor-nombor berkenaan menerusi proses tender secara manual. Orang ramai yang berminat mendapatkan nombor istimewa ini bolehlah mengisi borang berkenaan dan memasukkan tawaran harga ke dalam peti tender yang disediakan. Selepas tempoh tender tamat, penender yang mengemukakan tawaran tertinggi akan diisytiharkan pemenang kepada proses tender berkenaan. Bagi nombor-nombor pendaftaran biasa atau nombor berterusan pula (iaitu nombor-nombor selain nombor istimewa/menarik), orang ramai boleh mendapatkan nombor berkenaan secara urusan terus di kaunter dengan membayar kadar fi bermula pada RM200 untuk setiap nombor.

5. Untuk makluman Dewan Yang Mulia ini, pihak Kementerian Pengangkutan sentiasa memikirkan kaedah-kaedah bagi menambahbaik proses bagi mendapatkan nombor pendaftaran yang istimewa ini supaya satu sistem perolehan yang telus dapat disediakan kepada orang ramai.
6. Dalam hubungan ini, Kementerian Pengangkutan sedang dalam proses kajian untuk membangunkan satu (1) sistem perolehan nombor pendaftaran secara atas talian yang dinamik dan terbuka. Berbanding sistem tender secara manual, sistem perolehan nombor secara atas talian ini akan membawa kemudahan dan kebaikan seperti berikut:-
 - (i) orang ramai menerusi sistem ini boleh melihat tawaran harga yang ditawarkan oleh semua penender yang lain;
 - (ii) orang ramai boleh menaikkan harga tawaran masing-masing mengikut kemampuan berdasarkan harga tawaran daripada orang lain;
 - (iii) pemenang akan diumumkan dan akan dapat dilihat oleh semua penender secara telus dan pada masa sebenar; dan
 - (iv) orang ramai tidak lagi perlu berurusan di kaunter bagi tujuan mengemukakan borang tender masing-masing dan boleh melaksanakan proses ini mengikut keselesaan dan masa masing-masing.

7. Bagi memastikan satu sistem yang selamat dan berkesan dapat disediakan, Kementerian Pengangkutan akan melaksanakan kajian yang terperinci untuk membangunkan spesifikasi dan proses aliran kerja sistem berkenaan. Kementerian juga akan mendapatkan khidmat nasihat daripada Unit Pemodenan Tadbiran dan Perancangan Pengurusan Malaysia (atau MAMPU) yang mempunyai kepakaran di dalam bidang ICT untuk membantu dalam memberikan pandangan dan nasihat dalam membangunkan sistem perolehan nombor pendaftaran di atas talian ini. Keseluruhan proses kajian dan pembangunan sistem ini dijangka akan dapat diselesaikan dalam tempoh masa tiga (3) ke enam (6) bulan. Kementerian Pengangkutan menjadualkan agar sistem yang telah siap sepenuhnya akan dapat mula digunakan dalam awal tahun 2019.

Yang di-Pertua,

8. Mengenai pertanyaan Yang Berhormat Kalabakan berkaitan penetapan harga siling (*ceiling price*) ke atas pembelian nombor pendaftaran kenderaan, pihak Kementerian Pengangkutan pada masa ini tidak bercadang untuk menetapkan harga siling bagi nombor pendaftaran kenderaan. Ini adalah kerana nombor pendaftaran akan diberikan kepada pembida tertinggi di mana ianya merupakan satu pelaksanaan yang telus dan terbuka serta dapat menambah hasil kepada pihak Kerajaan. Jika harga seiling ditetapkan, maka ianya telah bercanggah dengan prinsip tender yang mana tiada lagi keperluan untuk mempunyai sistem sebegini dalam proses perolehan nombor kenderaan.
9. Sesungguhnya Kementerian Pengangkutan adalah amat komited dalam memastikan semua proses tender akan berlangsung secara telus dan terbuka dan boleh dinikmati oleh semua rakyat Malaysia. Proses tender ini juga wajar diteruskan dan melalui sistem tender secara atas talian kelak, saya percaya ianya akan berupaya untuk menyumbang kepada meningkatkan hasil kutipan Kerajaan.

Sekian, terima kasih.

PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL PERTAMA
PARLIMEN KEEMPAT BELAS

PERTANYAAN : LISAN
DARIPADA : DATO' SERI MAHDZIR BIN KHALID
(PADANG TERAP)
TARIKH : 19 NOVEMBER 2018 (ISNIN)

SOALAN

Dato' Seri Mahdzir bin Khalid [Padang Terap] minta **MENTERI PERDAGANGAN ANTARABANGSA DAN INDUSTRI** menyatakan apakah pelaburan langsung asing (FDI) yang telah berjaya dibawa masuk bagi tahun 2018 serta berapakah jumlah FDI yang telah berjaya dibawa masuk dari Negara China.

JAWAPAN

Tuan Yang di-Pertua,

Kerajaan sentiasa komited dalam mengukuhkan usaha bagi terus menarik pelaburan asing ke dalam negara bagi memastikan Malaysia kekal sebagai destinasi utama pilihan para pelabur. Bagi tempoh Januari hingga Jun 2018, jumlah pelaburan asing yang diluluskan bernilai RM26.5 bilion. Projek-projek yang diluluskan ini merangkumi projek di dalam sektor utama, perkilangan dan perkhidmatan.

Sebahagian besar daripada RM26.5 bilion pelaburan asing yang diluluskan adalah dalam sektor perkilangan iaitu RM15.2 bilion (57.4%) diikuti oleh sektor perkhidmatan iaitu RM6.0 bilion (22.6%) dan RM5.3 bilion (20%) dalam sektor utama.

Dalam sektor perkilangan, Negara Republik Rakyat China (RRC) mencatatkan jumlah pelaburan asing tertinggi sebanyak RM6.6 bilion, diikuti oleh Republik Korea (RM2.4 bilion), Jepun (RM1.6 bilion) dan Singapura (RM0.8 bilion).

Industri-industri utama yang menyumbang kepada pelaburan asing daripada RRC adalah produk getah sebanyak RM3.1 bilion, produk logam asas sebanyak RM2.9 bilion dan produk petroleum (termasuk petrokimia) berjumlah RM309 juta.

Langkah Menggalakkan Pelaburan

Kerajaan menyedari akan kepentingan pelaburan asing yang menyokong ekonomi Malaysia. Justeru, antara langkah yang diambil untuk meraih keyakinan dan kepercayaan pelabur asing untuk terus melabur di negara ini adalah:

- (i) menambahbaik dasar-dasar semasa yang mesra perniagaan, termasuk meliberalisasikan dasar-dasar bagi menggalakkan pelaburan, terutamanya pelaburan berkualiti di seluruh negara serta memudahcara kemasukan dan pelaksanaan projek-projek pelaburan;

NO. SOALAN : 4

- (ii) menambahbaik pelbagai strategi dan insentif sebagai pemangkin dalam usaha menggalakkan pelaburan terutamanya yang melibatkan teknologi tinggi selaras dengan tren industri termasuk projek pelaburan berasaskan Industri 4.0 dan automasi;
- (iii) meningkatkan *engagement* dan penyertaan pihak industri dalam sesi konsultasi Kementerian dengan komuniti perniagaan secara konstruktif bagi mendapatkan maklum balas langsung berhubung langkah-langkah yang boleh diambil oleh Kerajaan bagi penambahbaikan berterusan dan memperkukuhkan iklim pelaburan di Malaysia;
- (iv) mensasarkan pertumbuhan baharu dalam sektor perkilangan dan perkhidmatan dengan mempergiatkan aktiviti penggalakan untuk menarik lebih banyak pelaburan yang mempunyai nilai tambah tinggi dan berintensifkan pengetahuan yang dapat meningkatkan eksport perkhidmatan dan mewujudkan pekerjaan berpendapatan tinggi;
- (v) memperkenalkan pendekatan berfokus dan pendekatan ekosistem untuk menarik pelaburan berkualiti seperti industri bernilai ditambah tinggi, industri berteknologi tinggi dan berintensif modal, dan pengetahuan serta aktiviti-aktiviti penyelidikan. Galakan pelaburan berbentuk fiskal dan bukan fiskal bagi menggalakkan industri-industri tersebut diperkenalkan dan ditambahbaik secara berterusan;
- (vi) membangunkan rangkaian bekalan dengan melengkapkan hubungan rangkaian industri sama ada industri hulu atau dengan industri hiliran sedia ada dan yang baharu. Antara program yang dilaksanakan adalah dengan menganjurkan Persidangan Pembekal atau dengan izin, *Supplier Conference* untuk mengukuhkan ekosistem rangkaian bekalan diantara syarikat tempatan dan syarikat multinasional;

- (vii) memanfaatkan Perjanjian Perdagangan Bebas yang sedia ada atau dalam proses rundingan untuk menjana pelaburan melalui peruntukan pelaburan dalam perjanjian tersebut dan akses pasaran yang lebih besar;
- (viii) Menganjurkan misi-misi pelaburan ke luar negara untuk menarik pelaburan baharu dan berkualiti. Pada tahun ini, sebanyak 17 misi pelaburan telah dirancang sehingga Oktober 2018. Di antara misi pelaburan yang telah dilaksanakan adalah seperti berikut:
- *Specific Project Mission* (SPM) – Teknologi Hijau ke Eropah (Jun 2018);
 - SPM – Minyak dan Gas ke Eropah (Ogos 2018);
 - SPM – Sains Hayat dan Teknologi Perubatan ke India (September 2018);
 - *Trade Investment Mission* (TIM) ke Amerika Syarikat (Oktober 2018); dan
 - TIM ke Jepun dan Korea Selatan (Oktober 2018); dan
- (ix) Menganjurkan program-program “*media engagement*” dan publisiti melalui laman web kementerian dan agensi yang berkaitan serta media sosial (*Facebook, Twitter, Instagram*) bagi menghebahkan maklumat mengenai peluang pelaburan dan perdagangan, serta dasar dan insentif terkini kepada pelabur-pelabur yang berpotensi.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL PERTAMA,
PARLIMEN KEEMPAT BELAS**

PERTANYAAN : LISAN

**DARIPADA : TUAN SIVAKUMAR VARATHARAJU NAIDU
[BATU GAJAH]**

TARIKH : 19 NOVEMBER 2018 (ISNIN)

SOALAN NO. 05

Minta **MENTERI PENDIDIKAN** menyatakan langkah-langkah Kerajaan untuk meringankan beban tugas guru yang menjadi rungutan yang tidak berkesudahan. Berapakah orang guru yang dilaporkan menjalani rawatan kesihatan fizikal dan mental disebabkan oleh faktor tekanan kerja.

JAWAPAN

Yang di-Pertua,

Kementerian Pendidikan Malaysia (KPM) sentiasa prihatin terhadap beban tugas guru dan sentiasa mencari kaedah terbaik bagi mengatasi isu beban tugas guru di sekolah. Antara langkah yang diambil oleh KPM bagi meringankan tugas dan tanggungjawab guru ialah:

1. Memastikan pengurusan di peringkat kementerian, negeri, daerah dan sekolah memahami dan mematuhi semua surat pekeliling ikhtisas serta surat siaran KPM berkaitan yang sedang berkuat kuasa.
2. Pengisian jawatan kosong di sekolah dengan melihat keperluan jawatan guru dan anggota pelaksana.
3. Mengurangkan serta memudahkan tugas kemasukan data atau pelaporan dengan pemerkasaan pengintegrasian data melalui inisiatif *single-sign-on* (SSO).
4. Memperhalus kaedah pengoperasian dan pengurusan sekolah yang lebih mengutamakan keberhasilan pembelajaran murid.
5. Menghentikan audit Standard Kualiti Pendidikan Malaysia Gelombang 2 (SKPMG2).

Dalam menangani isu ini juga, Kementerian telah menubuhkan satu Jawatankuasa Mengkaji Beban Guru (JKMBG) dan telah bekerjasama dengan pihak-pihak berkepentingan iaitu Kesatuan Perkhidmatan Perguruan Kebangsaan (NUTP), dan Majlis Guru dan Pengetua (MGBP) untuk menyelesaikan isu beban tugas guru yang berpunca daripada pertindihan proses kerja, sistem dan penggunaan borang yang tidak berkaitan dengan tugas hakiki guru. Justeru itu, Kementerian telah mengadakan beberapa sesi *Engagement* bersama NUTP, Bahagian KPM berkaitan, dan MGBP dari semasa ke semasa bagi menyelesaikan isu ini dalam kadar segera.

Selain daripada itu, melalui Jawatankuasa ini juga, satu kajian yang lebih terperinci dan holistik sedang dijalankan untuk mengenal pasti faktor-faktor lain yang menjadi punca beban guru secara khusus berdasarkan jenis dan program sekolah. Hasil kajian ini akan digunakan

untuk menyusun strategi penyelesaian, antaranya dengan mencadangkan penurunan kuasa ke peringkat sekolah, atau penyelarasan program-program utama antara PPD, JPN dan KPM. Jawatankuasa ini juga turut berperanan untuk mencadangkan dan memantau kaedah untuk mengatasi isu ini dalam tempoh jangka masa segera, sederhana dan panjang.

Untuk makluman Ahli Yang Berhormat, setakat ini bilangan pegawai yang mengalami masalah kesihatan dalam jawatan kumpulan (*pool*) adalah berjumlah 589 orang. Guru-guru yang mengalami masalah kesihatan fizikal dan mental disebabkan beberapa faktor selain dari tekanan kerja, antaranya adalah masalah keluarga, isu kewangan dan masalah kesihatan disebabkan oleh penyakit yang serius. Guru-guru ini diberikan pertimbangan untuk ditempatkan ke dalam Jawatan Kumpulan KPM dalam tempoh tertentu supaya boleh diberi rawatan perubatan yang bersesuaian di fasiliti-fasiliti kesihatan.

Sekian, terima kasih.

PEMBERITAHUAN PERTANYAAN DEWAN RAKYAT

PERTANYAAN : JAWAB LISAN

**DARIPADA : DATO' DR. SHAMSUL ANUAR BIN HAJI
NASARAH [LENGGONG]**

TARIKH : 19 NOVEMBER 2018 (ISNIN)

SOALAN : 6

PR-1412-L01686

Dato' Dr. Shamsul Anuar bin Haji Nasarah [Lenggong] minta **MENTERI KOMUNIKASI DAN MULTIMEDIA** menyatakan sejauh mana tindakan Kementerian dalam menghapuskan monopoli syarikat swasta seperti ASTRO di dalam sektor penyiaran dan membuka ruang kepada syarikat lain untuk memberikan perkhidmatan sama.

JAWAPAN

Tuan Yang di-Pertua,

1. Untuk makluman Ahli Yang Berhormat, tempoh eksklusif dan keistimewaan (*exclusive right and privilege*) yang diberikan oleh Kerajaan Malaysia kepada Measat Broadcast Network Systems Sdn Bhd (ASTRO) untuk menyiarkan kandungan penyiaran medium penyiaran satelit, iaitu menerusi aktiviti pemancaran ke mana-mana satelit, bagi penerimaan kandungan penyiaran oleh orang awam secara langsung dari mana-mana satelit untuk tempoh 20 telah tamat pada 28 Februari 2017.
2. Namun, ASTRO masih berhak meneruskan aktiviti penyiaran satelit ini atas dasar "*non-exclusive basis*" kerana lesen-lesen yang dimiliki ASTRO di bawah Akta Komunikasi dan Multimedia 1998 (AKM'98) adalah sah sehingga 1 Februari 2020 bagi Lesen Individu Pemberi Kemudahan Rangkaian '*Network Facilities Provider Individual Licence*, [NFP (I)]', Pemberi Perkhidmatan Rangkaian '*Network Service Provider Individual licence*, [NSP (I)]' dan 28 Februari 2022 bagi Lesen Individu Pemberi Perkhidmatan Aplikasi Kandungan, '*Content Applications Service Provider Individual Licence*, [CASP (I)]'.
3. Sehingga 30 September 2018, terdapat 35 syarikat telah diberikan lesen CASP (I) oleh Suruhanjaya Komunikasi dan Multimedia Malaysia (SKMM) untuk menawarkan perkhidmatan penyiaran TV melalui pelbagai platform seperti satelit, penyiaran bebas ke udara (FTA), protokol internet (IPTV), dan juga

SOALAN NO: 6

penyiaran televisyen terrestrial digital '*Digital Terrestrial Television Broadcasting* (DTTB)'. Ingin dimaklumkan, daripada senarai di atas, terdapat 4 syarikat telah dibenarkan untuk memberikan perkhidmatan penyiaran TV melalui platform satelit selain daripada ASTRO iaitu Ansa Broadcast Sdn Bhd (ANSA), Jaringan Mega Sdn Bhd (Jaringan Mega), Smart Digital International (M) Sdn Bhd (Smart Digital) dan High End Net Sdn Bhd (High End Net).

4. Dengan adanya penawaran pelbagai platform ini, rakyat Malaysia dijangka akan mempunyai pelbagai pilihan untuk menikmati kandungan sama ada melalui penyiaran percuma / tanpa langganan (*non subscription broadcasting*) ataupun melalui penyiaran berbayar (*subscription broadcasting*).
5. Selain daripada itu, rakyat Malaysia juga mempunyai pilihan untuk menikmati kandungan *penyiaran* melalui platform '*Over-the-Top* (OTT) ' seperti aplikasi Tonton, iFlix dan NetFlix. Untuk makluman, aplikasi OTT ini ialah aplikasi penyediaan kandungan melalui internet dan ianya adalah aktiviti yang dikecualikan daripada keperluan pelesenan di bawah AKM'98.
6. Mana-mana pihak yang berhasrat untuk memberikan perkhidmatan penyiaran boleh *mengemukakan* permohonan lesen CASP (I) kepada SKMM bagi tujuan penilaian. Penilaian oleh SKMM untuk membuat syor kepada Menteri Komunikasi dan Multimedia Malaysia bagi permohonan lesen CASP (I) adalah berdasarkan kriteria-kriteria yang mematuhi peruntukan di bawah Akta Komunikasi dan Multimedia Malaysia 1998 ,Peraturan-Peraturan Komunikasi dan Multimedia Malaysia (2000) dan Garis

SOALAN NO: 6

Panduan Pelesenan. Kriteria-kriteria tersebut adalah seperti berikut :-

- Syarikat yang ditubuhkan di Malaysia dengan modal berbayar minima sebanyak RM500,000;
- Maklumat korporat syarikat termasuk pemegang saham syarikat, ahli lembaga pengarah dan pengurusan syarikat;
- Perihal jenis kemudahan, perkhidmatan, aplikasi atau kandungan dan teknologi yang akan ditawarkan;
- Perihal liputan dan cadangan pelan perlaksanaan komersil; dan
- Jangkaan perbelanjaan operasi dan modal, rancangan pembiayaan termasuk sumber pembiayaan domestik atau asing dan juga kedudukan kewangan semasa syarikat .

**MESYUARAT KEDUA, PENGGAL PERTAMA,
PARLIMEN KEEMPAT BELAS
PEMBERITAHUAN PERTANYAAN
DEWAN RAKYAT MALAYSIA**

PERTANYAAN : JAWAB LISAN

**DARIPADA : DATO' SRI MUSTAPA BIN
MOHAMED [JELI]**

TARIKH : 19 NOVEMBER 2018 (ISNIN)

SOALAN : 7

minta **MENTERI DI JABATAN PERDANA MENTERI** menyatakan berapakah luas tanah rizab Orang Asli yang sudah diwartakan dan berapakah yang belum diwartakan. Apakah bentuk kerjasama yang diadakan Kerajaan Persekutuan dan Kerajaan Negeri dalam menangani tuntutan untuk mewartakan tanah rizab Orang Asli di Kelantan.

JAWAPAN

Tuan Yang Di-Pertua,

Untuk makluman Yang Berhormat, mengikut rekod JAKOA sehingga Disember 2015, terdapat sebanyak 853 buah kampung Orang Asli. Dari jumlah itu, sebanyak 192 buah kampung Orang Asli dengan keluasan tanah 32,779.37 hektar telah diwartakan sebagai Kawasan Orang Asli di bawah Seksyen 6, Seksyen 7 Akta 134 dan di bawah Seksyen 62 Kanun Tanah Negara 1965 (KTN). Manakala sebanyak 661 buah kampung dengan anggaran keluasan 99,854.67 hektar lagi, masih dalam proses untuk diangkat permohonan dan kelulusan pewartaan.

Kearah pembentukan kerjasama antara Kerajaan Persekutuan dengan Kerajaan Negeri, JAKOA akan menyediakan pelan mengikut keluasan yang dituntut oleh masyarakat Orang Asli. Seterusnya, pelan beserta kertas kerja permohonan tanah akan dikemukakan kepada Pihak Berkuasa Negeri (PBN) Kelantan untuk tindakan dan pertimbangan selanjutnya. Selain itu, kerjasama juga dibentuk melalui pelbagai mesyuarat yang melibatkan agensi kerajaan persekutuan, agensi kerajaan negeri, Orang Asli dan NGO bagi mencari penyelesaian mengenai permasalahan tanah Orang Asli.

Kerjasama antara Kerajaan Negeri dan Kerajaan Persekutuan akan terus diadakan dan dieratkan melalui rundingan di dalam menangani dan menguruskan hal ehwal masyarakat Orang Asli amnya di Negeri Kelantan.

Sekian. Terima kasih.

PEMBERITAHUAN PERTANYAAN BAGI JAWAPAN LISAN
MESYUARAT KEDUA PENGGAL PERTAMA,
PARLIMEN KEEMPAT BELAS,
MAJLIS MESYUARAT DEWAN RAKYAT

PERTANYAAN : LISAN

DARIPADA : YB DATO' TUAN IBRAHIM BIN TUAN MAN

TARIKH : 19 NOVEMBER 2018

SOALAN :

Dato' Tuan Ibrahim bin Tuan Man [Kubang Kerian] minta **MENTERI TENAGA MANUSIA** menyatakan apakah langkah-langkah Kementerian untuk memastikan syarikat gergasi multinasional mengutamakan penggajian rakyat Malaysia berbanding warga asing di dalam bidang kepakaran tinggi.

PR-1412-L01739

JAWAPAN

Tuan Yang Di Pertua,

1. Kerajaan mengamalkan dasar di mana keutamaan penggajian diberikan kepada warga tempatan terutamanya dalam bidang berkepakaran tinggi. Pihak majikan kebiasaannya akan turut mengutamakan pekerja tempatan untuk mengisi kekosongan-kekosongan bagi jawatan yang diperlukan. Pengambilan Pegawai Dagang (Ekspatriat) hanya akan dilakukan apabila kemahiran atau kepakaran yang diperlukan tidak dimiliki oleh warga tempatan atau bilangannya sangat terhad untuk memenuhi kekosongan jawatan yang ditawarkan.

2. Permohonan bagi jawatan ekspatriat ini juga perlu dikemukakan kepada pihak-pihak berkuasa berkenaan yang ditentukan mengikut jenis-jenis perniagaan dan industri. Selain daripada itu, pemerhatian yang dilakukan mendapati bahawa kebanyakan majikan tidak melanjutkan tempoh kontrak yang telah ditawarkan dan perkara ini dapat dilihat dari aspek bilangan ekspatriat yang tidak berubah.

3. Bagi menambahbaik kawalan penggajian ekspatriat, kerjasama dengan Kementerian Dalam Negeri, jabatan dan agensi terlibat akan dipertingkatkan dengan memperkenalkan langkah-langkah yang lebih

berkesan seperti pelaksanaan integrasi sistem dengan pelbagai agensi di bawah satu platform.

Tuan Yang Di Pertua,

4. Bagi meningkatkan lagi kawalan ke atas penggajian ekspatriat oleh para majikan, Kementerian Sumber Manusia melalui *Talent Corporation* dan Institut Maklumat dan Analisis Pasaran Buruh (ILMIA) telah membangunkan *Critical Occupations List (COL)* yang bertujuan mengenalpasti kemahiran dan pekerjaan yang sukar dipenuhi merangkumi keperluan tenaga kerja mahir, separa mahir dan lulusan Pendidikan dan Latihan Teknikal dan Vokasional (TVET).

5. *Critical Occupations List (COL)* digunakan sebagai rujukan dalam mempertimbangkan kelulusan penggajian ekspatriat oleh pihak berkuasa yang terlibat. Selain itu, *Critical Occupations List* juga diaplikasikan dalam penentuan program pembangunan kemahiran tenaga kerja, pengurusan biasiswa dan inisiatif meningkatkan kebolehpasaran graduan. Inisiatif turut menetapkan sasaran untuk merapatkan jurang kemahiran yang diperlukan oleh pihak industri dengan penawaran modal insan oleh institusi pengajian tertiar seperti universiti dan TVET, agar kebergantungan kepada ekspatriat dapat dikurangkan.

6. Di samping usaha kawalan dan pemantauan penggajian ekspatriat serta perancangan jangka panjang yang dilakukan oleh pelbagai agensi, TalentCorp turut memainkan peranan dalam

mengoptimumkan penyertaan profesional warga Malaysia untuk memenuhi keperluan tenaga kerja mahir oleh pihak industri.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL PERTAMA,
PARLIMEN KEEMPAT BELAS**

**PERTANYAAN : LISAN
DARIPADA : TUAN AHMAD BIN HASSAN
[PAPAR]
TARIKH : 19 NOVEMBER 2018 (ISNIN)**

SOALAN NO. 9

Minta **MENTERI KESIHATAN** menyatakan:

- (a) apakah langkah positif yang diambil oleh Kementerian untuk menyegerakan kerja-kerja menaiktaraf Hospital Papar yang lewat disiapkan tidak mengikut jadual; dan
- (b) adakah Kementerian akan membina sebuah mini hospital di Pekan Papar untuk mengelakkan kesesakan pesakit mendapat rawatan di Hospital Papar serta mengatasi kekurangan doktor-doktor pakar di Hospital Papar yang menyebabkan ramai pesakit kritikal di hantar ke Queen Elizabeth Hospital, Kota Kinabalu

JAWAPAN

Yang di-Pertua,

Hospital Papar merupakan sebuah hospital tanpa pakar yang mempunyai 77 katil. Kadar penggunaan katil atau *Bed Occupancy Rate* (dengan izin) bagi Hospital Papar masih berada pada paras yang rendah iaitu pada 42 % ke 49% pada tahun 2014 hingga tahun 2017. Selain itu, purata kemasukan pesakit ke wad di Hospital Papar adalah antara 14-17 orang sehari pada tahun 2014 ke tahun 2017.

Memandangkan fasiliti sedia ada di Hospital Papar sudah uzur, Projek Naiktaraf Hospital Papar telahpun diluluskan oleh Unit Perancang Ekonomi, Jabatan Perdana Menteri (UPE, JPM) untuk dilaksanakan di bawah Rancangan Malaysia Kesepuluh (RMKe-10) tahun 2015. Kontraktor utama yang dilantik bagi projek ini adalah BHO Sdn. Bhd. dengan tarikh siap asal projek dijadualkan pada 18 Mei 2020. Walau bagaimanapun, projek ini telah memperolehi Lanjutan Masa 1 (*EOT 1*) sebanyak 263 hari disebabkan kelewatan pihak kontraktor memperolehi Pelan Pembangunan (*Development Plan*) berikutan terdapat isu-isu berkaitan dengan geran tanah. Ini menjadikan tarikh siap semasa projek pada 5 Februari 2021.

Projek ini melibatkan penambahan pembinaan wad-wad Lelaki dan Perempuan, Wad Kanak-Kanak, Dewan Bedah, Jabatan Kecemasan, Makmal Darah, Jabatan Patologi dan Jabatan Radiologi. Ia akan menambahkan bilangan katil dari 77 buah kepada 104 buah katil secara keseluruhan. Dengan adanya blok baharu ini, perkhidmatan kepakaran melalui pelaksanaan program kluster bersama Hospital Queen Elizabeth dapat disediakan kepada penduduk Papar dengan lebih komprehensif.

Pada masa ini, kontraktor telah memulakan kerja-kerja tanah di tapak yang berlangsung serentak dengan kerja rekabentuk. Kemajuan Fizikal Sebenar projek adalah 5.30% berbanding jadual, 4.62%. Kementerian Kesihatan Malaysia bersama Jabatan Kerja Raya serta agensi-agensi Kerajaan yang lain menjalankan pemantauan berkala secara bulanan

NO SOALAN: 9

melalui Mesyuarat Jawatankuasa Tindakan Pembangunan (JTPK) Kementerian dan Mesyuarat Tapak bagi memastikan projek ini dapat dilaksanakan mengikut tempoh yang ditetapkan. Kementerian akan berusaha memastikan bahawa projek ini disiapkan dalam jangka masa, kos dan standard yang telah ditetapkan.

Yang di-Pertua,

Memandangkan bahawa projek naiktaraf Hospital Papar sedang dalam pembinaan dan dijangka siap pada tahun 2021, buat masa ini belum ada perancangan lain untuk mewujudkan sebuah hospital mini di Pekan Papar kerana fasiliti sedia ada di Hospital Papar masih mampu menampung keperluan penduduk Papar.

PEMBERITAHUAN PERTANYAAN
MESYUARAT KEDUA, PENGGAL PERTAMA,
PARLIMEN KEEMPAT BELAS (2018)
DEWAN RAKYAT

PERTANYAAN : LISAN

DARIPADA : YB TUAN AHMAD TARMIZI BIN SULAIMAN [SIK]

TARIKH : 19 NOVEMBER 2018 (ISNIN)

SOALAN:

Tuan Ahmad Tarmizi bin Sulaiman [Sik] minta **PERDANA MENTERI** menyatakan langkah Kerajaan daripada segi kewangan untuk meningkat kualiti pengajaran dan pembelajaran (P&P) pendidikan KAFA selain pelantikan guru KAFA ke jawatan tetap dan adakah Kerajaan bercadang untuk mewujudkan satu bahagian khusus pendidikan Islam di bawah JAKIM.

JAWAPAN : **(YB DATUK SERI DR MUJAHID YUSOF, MENTERI DI JABATAN PERDANA MENTERI)**

Tuan Yang di-Pertua,

Untuk makluman Ahli Yang Berhormat, Jabatan Kemajuan Islam Malaysia (JAKIM) adalah penyelarar Program Kelas al-Quran dan Fardhu Ain (KAFA) manakala operasi kelas KAFA pula dilaksanakan oleh agensi bertanggungjawab iaitu Jabatan Agama Islam Negeri / Yayasan Agama

Islam Negeri. Bagi meningkatkan kualiti guru KAFA dalam pengajaran dan pembelajaran (P&P) pendidikan KAFA, JAKIM telah mengambil inisiatif dengan mengadakan latihan kepada guru KAFA. Antara latihan yang telah diadakan adalah:

- i. Latihan Profesionalisme Penyelia KAFA (5 siri)
- ii. Latihan Profesionalisme Guru KAFA Zon Sarawak (1 Siri)
- iii. Latihan Profesionalisme Guru KAFA Zon Sabah (1 Siri)
- iv. Latihan Profesionalisme Guru KAFA Zon Tengah (1 Siri) – Negeri Selangor, Wilayah dan Perak
- v. Latihan Profesionalisme Guru KAFA Zon Timur (1 Siri) – Negeri Kelantan, Terengganu dan Pahang.
- vi. Latihan Profesionalisme Guru KAFA Zon Utara (1 Siri) – Negeri Kedah, Pulau Pinang dan Perlis.
- vii. Latihan Profesionalisme Guru KAFA Zon Selatan (1 Siri) – Negeri Johor , Melaka dan Negeri Sembilan.

Berkaitan cadangan untuk mewujudkan satu bahagian khusus pendidikan Islam di bawah JAKIM, Kerajaan pada dasar telah bersetuju dengan cadangan tersebut dan akan dilaksanakan dalam masa terdekat.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL PERTAMA,
PARLIMEN KEEMPAT BELAS**

PERTANYAAN : LISAN

**DARIPADA : PUAN JUNE LEOW HSIAD HUI
[HULU SELANGOR]**

TARIKH : 19 NOVEMBER 2018 (ISNIN)

SOALAN NO. 11

Minta **MENTERI PENDIDIKAN** menyatakan sama ada Kementerian akan memperjuangkan lebih banyak peruntukan untuk sekolah-sekolah mubaligh supaya mereka mampu menyelenggara infrastruktur sekolah.

JAWAPAN

Yang di-Pertua,

Kebanyakan sekolah mubaligh berstatus sekolah bantuan kerajaan (SBK). Sekolah ini beroperasi di atas tanah hak milik gereja, persendirian, tanah pajakan kerajaan negeri atau Pesuruhjaya Tanah Persekutuan (PTP).

Kementerian Pendidikan Malaysia (KPM) memberikan peruntukan kepada semua sekolah bantuan kerajaan termasuk sekolah mubaligh meliputi peruntukan mengurus yang merangkumi emolumen dan elaun guru, bayaran utiliti, kawalan keselamatan dan pembersihan kawasan, pemberian bantuan Perkapita (PCG), dan peralatan pengajaran dan pembelajaran. Sekolah mubaligh SBK juga turut menerima bantuan untuk menampung kos operasi. Peruntukan utiliti (air dan elektrik) juga disediakan iaitu maksimum RM5,000 sebulan seperti yang diluluskan Kementerian Kewangan.

Walaupun tanggungjawab membiayai pembangunan dan penyelenggaraan sekolah mubaligh terletak kepada pihak Lembaga Pengelola Sekolah (LPS) disebabkan bangunan dan tapak sekolah mubaligh bukan milik kerajaan. Namun, kerajaan turut memberikan sumbangan bantuan kepada sekolah mubaligh SBK di bawah Pakej Rangsangan Khas dan Tabung Penyelenggaraan Sekolah melalui Belanjawan Tahunan. Pengagihan peruntukan ini adalah melalui permohonan sekolah kepada Jabatan Pelajaran Negeri (JPN) mengikut garis panduan dan prosedur yang ditetapkan.

Kementerian berpandangan dan mencadangkan SBK yang tidak dapat menampung kos operasi penyelenggaraan dan pembangunan infrastruktur sekolah masing-masing menukar status sekolah bantuan kerajaan kepada sekolah kerajaan agar segala perbelanjaan mengurus dan pembangunan ditanggung oleh kerajaan.

Sekian, terima kasih

PEMBERITAHUAN PERTANYAAN BAGI JAWAPAN LISAN
MESYUARAT KEDUA PENGGAL PERTAMA,
PARLIMEN KEEMPAT BELAS,
MAJLIS MESYUARAT DEWAN RAKYAT

PERTANYAAN : LISAN

DARIPADA : YB DATO' SRI REEZAL MERICAN BIN NAINA
MERICAN

TARIKH : 19 NOVEMBER 2018

SOALAN :

Dato' Sri Reezal Merican bin Naina Merican [Kepala Batas] minta **MENTERI TENAGA MANUSIA** menyatakan perincian jumlah syarikat/individu yang telah mendaftar dan mendapat manfaat Skim Insurans Pekerjaan (*Employment Insurance Scheme*) setakat hujung bulan September 2018.

PR-1412-L02130

JAWAPAN

Tuan Yang Di Pertua,

1. Untuk makluman Dewan Yang Mulia ini, Sistem Insurans Pekerjaan (SIP) adalah merupakan perlindungan kepada pekerja yang kehilangan pekerjaan berkuatkuasa pada 1 Januari 2018. Berdasarkan rekod sehingga 30 September 2018, bilangan majikan yang telah mendaftar dan mencarum di bawah Sistem Insurans Pekerjaan (SIP) adalah sebanyak 401,080 majikan dengan jumlah pekerja yang aktif berdaftar seramai 4.1 juta orang.

2. Sehingga 30 September 2018, PERKESO telah menerima sebanyak 22,357 permohonan dan daripada jumlah tersebut sebanyak 17,708 permohonan telah diluluskan dan mendapat bayaran interim.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL PERTAMA,
PARLIMEN KEEMPAT BELAS**

PERTANYAAN : LISAN

**DARIPADA : YB. DATUK ROZMAN BIN ISLI
[LABUAN]**

TARIKH : 19 NOVEMBER 2018

SOALAN :

Minta **MENTERI PELANCONGAN, SENI DAN BUDAYA** menyatakan apakah bantuan-bantuan yang dirancang untuk menjadikan Labuan sebagai pusat pelancongan ternama memandangkan pelancong-pelancong dari China dan Korea Selatan sudah mula datang ke Labuan apabila Kota Kinabalu mula berhadapan dengan kesesakan pelancong dari negara tersebut. Untuk pengetahuan, peruntukan aktiviti pelancongan yang diluluskan untuk Perbadanan Labuan (PL) adalah terlalu kecil.

JAWAPAN :

Tuan Yang di-Pertua,

Kementerian Pelancongan, Seni dan Budaya sentiasa membantu dalam membangunkan pusat-pusat dan produk-produk pelancongan di Malaysia, termasuklah di Labuan melalui insentif-insentif Kerajaan iaitu Tabung Pelancongan, pengecualian cukai pendapatan melalui pendaftaran projek pelancongan serta pengiktirafan produk melalui Malaysia Tourism Quality Assurance (MyTQA).

Insentif melalui Tabung Pelancongan adalah dengan penawaran dua (2) kemudahan Tabung Pelancongan berbentuk pembiayaan/pinjaman (*soft loan*) iaitu Tabung Pembangunan Infrastruktur Pelancongan (TPIP), dan Tabung Khas Pelancongan (TKP). Kedua-dua tabung tersebut bertujuan untuk membantu para pengusaha yang ingin membangunkan atau mengembangkan produk-produk pelancongan seperti premis penginapan pelancongan, kemudahan-kemudahan dan lain-lain projek yang berkaitan serta diklasifikasikan sebagai pelancongan.

Kementerian ini juga membantu pengusaha syarikat pelancongan yang berdaftar dengan Kementerian ini melalui insentif potongan cukai pendapatan menerusi Lembaga Hasil Dalam Negeri (LHDN) bagi pengusaha syarikat pelancongan di Malaysia yang mengendalikan Pakej Pelancong Asing melebihi 750 orang dan Pakej Pelancong Domestik melebihi 1,500 orang.

Di samping itu, penggiat industri pelancongan di Labuan juga boleh memohon insentif pengecualian cukai kepada Kementerian ini dalam usaha mengiktiraf pelabur-pelabur dan pengusaha-pengusaha yang melabur dalam sektor pelancongan. Insentif ini diberikan kepada pengusaha Projek Penginapan dan Projek Bukan Penginapan melalui pemberian Sijil Pendaftaran Projek Pelancongan yang membolehkan pengusaha projek pelancongan mendapatkan pengecualian cukai daripada *Malaysian Investment Development Authority* (MIDA).

NO. SOALAN : 13

Selain daripada kemudahan pembiayaan dan pengecualian cukai, Kementerian ini juga memberi perhatian kepada produk-produk pelancongan melalui Malaysia Tourism Quality Assurance (MyTQA) yang merupakan satu inisiatif Kementerian dalam mengiktiraf kualiti dan mutu perkhidmatan produk-produk pelancongan di Malaysia dalam usaha menarik lebih ramai pelancong mengunjungi dan menikmati produk-produk pelancongan yang berkualiti.

Kementerian sentiasa memartabatkan dan mempromosikan Labuan sebagai pusat pelancongan melalui usaha seperti berikut:

1. Penglibatan pemain-pemain industri pelancongan seperti agensi pelancongan, pengusaha produk pelancongan dan hotel di Labuan untuk menyertai pameran-pameran yang menjurus kepada pengguna di peringkat negeri dan kebangsaan seperti Pameran Malaysia Travel and Tour Association (MATTA) dan *Homestay Fair*;
2. Penglibatan Perbadanan Labuan menyertai pameran di luar negara seperti China-ASEAN Expo (Caexpo) *City Of Charms* 2017 di Nanning, China pada 12 hingga 15 September 2017, *China International Travel Mart* di Kunming, China pada 17 hingga 19 November 2017 serta Pameran 'Diving Fest Kansai' dan Misi Jualan Golf di Kansai, Jepun pada 16 hingga 21 Mei 2018; dan
3. Penglibatan Kementerian bersama Perbadanan Labuan dalam menganjurkan acara-acara pelancongan utama di Labuan seperti Labuan *International Sea Challenge*, Borneo Arts Festival dan *Remembrance Day* serta pembangunan pakej pelancongan, penerbitan bahan-bahan kolateral, hebahan melalui media cetak dan media sosial serta sebagainya.

Di bawah Rancangan Malaysia Ke-Sepuluh (RMKe-10), sebanyak RM2.68 juta telah diperuntukkan bagi melaksanakan projek pembangunan Pelancongan di WP Labuan iaitu Projek Ekopelancongan Kina Benua, Labuan, Menaik Taraf Kawasan Terowong Nombor 3, 4 & 7 di Tanjung Kubong, Projek Pemasangan Safety Mirror di Jalan-jalan Kawasan

NO. SOALAN : 13

Pelancongan Sedia Ada, Menaik Taraf Muzium Marin dan Memasang Plak Rumah Peserta Homestay Baru Bagi Labuan.

Manakala, di bawah Rancangan Malaysia Ke-Sebelas (RMKe-11), Kementerian telah memperuntukkan sebanyak RM1.06 juta bagi melaksanakan projek pembangunan pelancongan di WP Labuan iaitu Projek Pembangunan Eko-Tourism Projek Pengindahan Pantai COBSEA dan Penyelenggaraan dan Penambahbaikan Homestay di WP Labuan.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL PERTAMA
PARLIMEN KE-EMPAT BELAS**

PERTANYAAN : LISAN

**DARIPADA : TUAN ABDUL LATIFF BIN ABDUL
RAHMAN [KUALA KRAI]**

TARIKH : 19 NOVEMBER 2018 (ISNIN)

SOALAN NO. 14

Minta **MENTERI PENGANGKUTAN** menyatakan kesediaan untuk mengkaji semula penggunaan Hentian Greenwood yang dihentikan terutama penggunaan bas daripada Pantai Timur seperti Kelantan, Terengganu dan Pahang.

JAWAPAN

Yang di-Pertua,

1. Isu berkenaan Hentian Bas Greenwood ini merupakan isu yang telah dibangkitkan sejak tahun 2015 yang lalu. Hentian Bas Greenwood didapati tidak menyediakan kemudahan asas yang selesa dan selamat untuk penumpang. Aktiviti bas ekspres seperti berhenti untuk menurun dan mengambil penumpang, memasukkan dan mengeluarkan bagasi/barangan dari bas serta kedudukan hentian berhampiran 2 lampu isyarat dan persimpangan utama menyumbang kepada kesesakan dan kesukaran pengguna jalanraya dan juga penduduk sekitar.
2. Hentian Bas Greenwood adalah sebuah hentian bas untuk operasi bas berhenti-henti dan tidak selamat dan kondusif untuk operasi bas ekspres. Bas ekspres memerlukan lay-by yang sesuai dan selamat untuk menurun dan mengambil penumpang serta memasukkan dan mengeluarkan bagasi/barangan dari bas.
3. Pengguna bas ekspres di Gombak, Sentul dan kawasan berhampiran boleh menggunakan perkhidmatan rel iaitu KTM Komuter dan LRT untuk ke Terminal Bersepadu Selatan (TBS). Pembinaan Terminal Berintegrasi Gombak yang dijangka siap penghujung 2019 dan akan dapat memberi keselesaan kepada pengguna bas di kawasan utara pusat bandar untuk perjalanan ke pantai timur.
4. Oleh yang demikian, Kementerian Pengangkutan berpendapat keputusan untuk menghentikan kegiatan mengambil dan menurunkan penumpang bas ekspres di Hentian Bas Greenwood perlu dikekalkan kerana ketidakesuaian hentian tersebut untuk menyediakan perkhidmatan yang selesa dan selamat kepada pengguna.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL PERTAMA,
PARLIMEN KEEMPAT BELAS**

**PERTANYAAN : LISAN
DARIPADA : TUAN WONG BING LIU
[SARIKEI]
TARIKH : 19 NOVEMBER 2018 (ISNIN)**

SOALAN NO. 15

Minta **MENTERI KESIHATAN** menyatakan bahawa telah dirancang pembinaan Klinik Kesihatan Jenis 3 (poliklinik) di Bahagian Sarikei, bilakah pembinaan klinik tersebut akan bermula dan di manakah kawasan klinik tersebut akan didirikan.

JAWAPAN

Yang di-Pertua,

Kementerian Kesihatan sentiasa berusaha untuk menambahbaik penyampaian perkhidmatan kesihatan termasuk di negeri Sarawak.

Buat masa ini terdapat sebuah klinik kesihatan jenis 3 iaitu Klinik Kesihatan Sarikei yang terletak di bandar Sarikei dan telah beroperasi semenjak Ogos 1993. Kementerian Kesihatan menyedari bahawa wujud keperluan untuk menaiktaraf Klinik Kesihatan Sarikei sedia ada bagi menampung peningkatan jumlah pesakit yang mendapatkan rawatan.

Sehubungan dengan it, pihak Kementerian akan meneliti keperluan naiktaraf yang berkaitan dan akan memohon peruntukan daripada pihak Unit Perancang Ekonomi, Kementerian Hal Ehwal Ekonomi berdasarkan kepada kemampuan kewangan semasa Kerajaan.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL PERTAMA,
PARLIMEN KEEMPAT BELAS**

PERTANYAAN : LISAN
DARIPADA : TUAN SHAHARIZUKIRNAIN BIN ABD KADIR
[SETIU]
TARIKH : 19 NOVEMBER 2018 (ISNIN)

SOALAN NO. 16

Minta **MENTERI KESIHATAN** menyatakan berapakah peratus penyakit HIV yang berpunca daripada amalan hidup songsang LGBT berbanding dengan perkongsian jarum suntikan oleh penagih dadah.

JAWAPAN

Yang di-Pertua,

Virus HIV (atau nama penuhnya *Human Immunodeficiency Virus*) merupakan sejenis virus yang hanya berjangkit melalui darah dan cecair yang dicemari HIV. Oleh itu, seseorang hanya boleh dijangkiti melalui tiga (3) cara, iaitu hubungan seksual dengan orang yang dijangkiti, perkongsian jarum suntikan di kalangan penagih dadah dan dari ibu yang dijangkiti HIV ke bayi.

Jangkitan HIV melalui transmisi seksual boleh berlaku melalui hubungan seksual tanpa kondom dan tidak mengira kecenderungan seksual (LGBT). Sehubungan dengan itu, data penyakit HIV yang dilaporkan oleh KKM adalah berdasarkan faktor risiko dan bukannya kecenderungan seksual.

Daripada data surveilan kebangsaan HIV, jumlah kes HIV yang dilaporkan pada tahun 2000 adalah 5107 kes, di mana 3815 (75%) mendapat jangkitan melalui perkongsian jarum suntikan, dan 964 (19%) mendapat jangkitan melalui transmisi seksual. Manakala pada tahun 2017, jumlah kes HIV dilaporkan adalah 3347 kes, di mana hanya 115 (3%) mendapat jangkitan melalui perkongsian jarum suntikan. Transmisi seksual menjadi punca jangkitan utama, di mana 1697 (51%) disebabkan oleh hubungan homoseksual/biseksual, dan 1335 (40%) melalui heteroseksual.

Dari tahun 2000 sehingga 2017, kes HIV telah menunjukkan tren menurun, walaupun liputan aktiviti saringan semakin meningkat, dan lebih ramai pesakit sudi mengunjungi klinik kesihatan untuk mendapatkan rawatan HIV percuma. Ini disebabkan program pengurangan kemudatan KKM berjaya mengurangkan amalan berkongsi jarum suntikan di kalangan penagih dadah. Oleh itu nisbah jangkitan melalui jarum suntikan semakin turun dan jangkitan seksual semakin meningkat walaupun kes HIV berkurangan secara keseluruhan.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL PERTAMA,
PARLIMEN KEEMPAT BELAS**

PERTANYAAN : LISAN
DARIPADA : TUAN SHAHARIZUKIRNAIN BIN ABD KADIR
[TAMPIN]
TARIKH : 19 NOVEMBER 2018 (ISNIN)

SOALAN NO. 17

Minta **MENTERI KESIHATAN** menyatakan apakah ada usaha yang dilakukan oleh Kementerian dalam merealisasikan kewujudan Hospital Pakar khususnya di daerah Tampin di mana kewujudannya amat penting kerana warga Tampin perlu ke Hospital Segamat atau ke Hospital Kuala Pilah untuk mendapatkan rawatan pakar.

JAWAPAN

Yang di-Pertua,

Hospital Tampin bersama Hospital Jempol merupakan *Non Lead Hospitals* bagi Hospital Kluster Hospital Tuanku Ampuan Najihah (HTAN) yang dilaksanakan secara rasmi pada tahun 2016. Hospital Tuanku Ampuan Najihah (HTAN) Kuala Pilah adalah hospital berpakar yang bertindak sebagai *Lead Hospital* bagi kluster ini. Melalui pelaksanaan Hospital Kluster, perkhidmatan kepakaran dapat dipertingkatkan di Hospital Tampin melalui perkongsian dan pengoptimuman sumber-sumber termasuk sumber manusia, fasiliti, peralatan, kepakaran dan lain-lain di antara hospital-hospital di dalam kluster ini.

Di antara perkhidmatan yang dipertingkatkan ialah Perkhidmatan Optalmologi dan pembedahan katarak yang dilaksanakan di Hospital Tampin melalui lawatan pakar secara berkala dari HTAN Kuala Pilah. Selain daripada itu perkhidmatan kepakaran Perubatan Am dan Perubatan Kecemasan turut dipertingkatkan melalui peningkatan lawatan pakar sekurang-kurangnya seminggu sekali. Turut dilaksanakan ialah penggiliran pegawai perubatan ke HTAN Kuala Pilah bagi menjalani latihan untuk meningkatkan kompetensi merawat kes yang lebih kompleks di Hospital Tampin.

PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL PERTAMA,
PARLIMEN KEEMPAT BELAS

PERTANYAAN : JAWAB LISAN
DARIPADA : DATO' SRI ABDUL AZEEZ BIN ABDUL RAHIM
[BALING]
TARIKH : 19 NOVEMBER 2018 (ISNIN)

SOALAN NO. 18

Dato' Sri Abdul Azeez bin Abdul Rahim [Baling] minta **MENTERI PEMBANGUNAN WANITA, KELUARGA DAN MASYARAKAT** menyatakan adakah Kementerian bercadang untuk mengkaji semula kelayakan penerima bantuan Jabatan Kebajikan Malaysia (JKM) dan apakah ada rancangan penambahbaikan skim bantuan sedia ada untuk penerima bantuan.

**JAWAPAN: YAB DATO' SERI DR. WAN AZIZAH DR. WAN ISMAIL,
TIMBALAN PERDANA MENTERI MERANGKAP
MENTERI PEMBANGUNAN WANITA, KELUARGA DAN
MASYARAKAT**

Tuan Yang di-Pertua,

Kementerian melalui Jabatan Kebajikan Masyarakat (JKM) amat prihatin dalam menguruskan perkhidmatan bantuan kebajikan kepada pelbagai kumpulan sasar termasuk kanak-kanak, warga emas, orang kurang upaya dan keluarga miskin. Kementerian komited dan amat serius untuk memastikan perkhidmatan bantuan diberikan kepada kumpulan sasar yang memerlukan.

JKM telah mengkaji semula kelayakan penerima bantuan dengan melakukan transformasi kepada kriteria kelayakan penerima bantuan sedia ada yang telah dikuatkuasakan mulai 1 Julai 2018 melalui Surat Pekeliling Ketua Pengarah Kebajikan Masyarakat Bilangan 3 Tahun 2018 agar bantuan dapat disalurkan kepada golongan yang berkelayakan dan berkeperluan lebih baik.

Kriteria dan garis panduan kelayakan pemberian bantuan kebajikan yang baru ini diwujudkan bertujuan untuk meningkatkan kualiti dan keberkesanan penyampaian perkhidmatan bantuan demi kesejahteraan rakyat. Garis panduan ini lebih komprehensif sebagai rujukan dan amalan kepada semua pegawai dan kakitangan JKM di peringkat Ibu Pejabat, Negeri dan Daerah/ Jajahan/ Bahagian yang terlibat dalam pengurusan bantuan supaya semua tindakan dapat dilaksanakan dengan lebih selaras, bersepadu serta memenuhi ekspektasi masyarakat dan *stakeholders*. Ianya juga bagi memastikan tindakan kerja yang dibuat lebih telus dan berintegriti mengikut prosedur yang ditetapkan.

Di samping itu bagi memastikan agar kadar bantuan yang diberikan juga sentiasa relevan dengan keperluan semasa, JKM mengguna pakai kriteria kelayakan berdasarkan Pendapatan Garis Kemiskinan (PGK) semasa yang

SOALAN NO. 18

telah ditetapkan oleh Unit Perancang Ekonomi (EPU), Jabatan Perdana Menteri (JPM) untuk menentukan kelayakan menerima bantuan kebajikan. Mulai 1 Julai 2018, JKM telah menggunakan dua (2) kaedah pengiraan PGK iaitu:

1. PGK Purata Miskin Isi Rumah Semasa; atau
2. PGK Purata Miskin Per Kapita Semasa

Pertimbangan untuk menentukan kelayakan pemohon boleh menggunakan kaedah 1 atau 2 dan yang mana lebih memberikan kesejahteraan dan kebajikan kepada pemohon.

Penggunaan PGK Semasa ini telah diguna pakai dalam menentukan kelulusan permohonan Bantuan Am Persekutuan, Bantuan Kanak-Kanak, Bantuan Orang Tua, Bantuan OKU Tidak Bekerja, Bantuan Alat Tiruan dan Bantuan Geran Pelancaran.

Syarat kelayakan permohonan bantuan JKM bukan bergantung semata-mata kepada pendapatan, malah turut mengambil kira faktor-faktor lain seperti bilangan ahli isi rumah yang perlu ditanggung, tahap ketidakupayaan ketua keluarga atau ahli keluarganya dan faktor-faktor lain yang munasabah serta boleh memberikan gambaran kedudukan kewangan dan perbelanjaan keluarga.

Kelulusan pemberian bantuan ini adalah melalui proses siasatan serta penilaian yang dibuat secara standard dan konsisten. Setiap permohonan lengkap yang diterima akan disiasat dan dibuat penilaian (*means-tested*) bagi mengesahkan kelayakan pemohon agar bantuan diberikan kepada yang benar-benar berkelayakan.

Bantuan kebajikan disediakan bertujuan untuk meringankan beban buat sementara waktu sehingga penerima bantuan dapat keluar daripada kepompong kemiskinan dan mampu ke arah hidup berdikari. Ini adalah kerana bantuan kebajikan ini bukanlah untuk menampung sepenuhnya kos sara hidup tetapi sebagai langkah sementara bagi membantu kumpulan sasaran. Pada masa yang sama, Kementerian turut memberi tumpuan kepada pendekatan *Productive Welfare* melalui *2 Years Exit Programme*

SOALAN NO. 18

(2YEP) bagi membantu para penerima bantuan kebajikan keluar daripada kepompong kemiskinan. Sehingga September 2018 seramai 1,412 penerima bantuan JKM dilibatkan dalam 2YEP dengan perbelanjaan sebanyak RM3,812,400.00.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL PERTAMA
PARLIMEN KEEMPAT BELAS**

PERTANYAAN : LISAN
DARIPADA : YB TUAN RAMKARPAL SINGH A/L
KARPAL SINGH
[BUKIT GELUGOR, PH – DAP]
TARIKH : 19 NOVEMBER 2018 (ISNIN)
SOALAN NO. : 19

YB TUAN RAMKARPAL SINGH A/L KARPAL SINGH Minta **PERDANA MENTERI** menyatakan status kajian semula (*review*) Akta Majlis Keselamatan Negara 2016 oleh Kerajaan iaitu sama ada akta zalim tersebut akan dimansuhkan sepenuhnya oleh Kerajaan atau sebaliknya hanya dipinda sahaja.

JAWAPAN: YB TUAN MOHAMED HANIPA MAIDIN
TIMBALAN MENTERI DI JABATAN PERDANA MENTERI

Tuan Yang di-Pertua,

1. Kerajaan telah meneliti secara terperinci Akta Majlis Keselamatan Negara 2016 (Akta 776) dan memutuskan supaya ianya hanya dipinda dan tidak dimansuhkan. Proses pindaan tersebut sedang diselaraskan oleh Majlis Keselamatan Negara, Jabatan Perdana Menteri bersama Jabatan Peguam Negara.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL PERTAMA,
PARLIMEN KEEMPAT BELAS**

PERTANYAAN : BUKAN LISAN

**DARIPADA : YB PUAN RUBIAH BINTI HAJI WANG
[KOTA SAMARAHAN]**

TARIKH : 19 NOVEMBER 2018 (ISNIN)

SOALAN NO. 20

Minta **MENTERI HAL EHWAL EKONOMI** menyatakan kesediaan Kementerian menunaikan janji menambah 1 juta peluang pekerjaan kepada golongan belia dan apakah perancangan terhadap penambahan peluang pekerjaan kepada belia di Sabah dan Sarawak.

JAWAPAN

Yang di-Pertua,

Untuk makluman Ahli Yang Berhormat, selaras dengan janji Kerajaan untuk mewujudkan 1 juta pekerjaan berkualiti, Kerajaan telah mengunjurkan pewujudan sebanyak 1.5 juta pekerjaan baharu menjelang tahun 2020 menerusi inisiatif di bawah Rancangan Malaysia Kesebelas (RMKe-11). Selaras dengan hasrat untuk mencapai status negara maju, komposisi pekerjaan berkemahiran tinggi ini dianggarkan mencecah 35% daripada keseluruhan guna tenaga.

Bagi mencapai hasrat ini, Kerajaan akan lebih selektif dalam menarik pelaburan dengan memberi keutamaan kepada aktiviti berintensifkan pengetahuan dan inovasi. Usaha akan dilaksanakan untuk menggalakkan inovasi, automasi dan mekanisasi, penggunaan Sistem Binaan Berindustri (IBS) dan menerima pakai teknologi baharu untuk menjana peluang pekerjaan berkemahiran dengan gaji dan upah yang lebih tinggi. Dalam hal ini, pelaburan berkualiti tinggi akan diberi keutamaan untuk mewujudkan lebih banyak pekerjaan berkemahiran dalam ekonomi melalui kajian semula senarai industri yang layak mendapat insentif di bawah Akta Penggalakan Pelaburan 1986.

Yang di-Pertua,

Bagi memastikan rakyat negara ini yang mengisi peluang pekerjaan yang diwujudkan, beberapa langkah akan dilaksanakan oleh Kerajaan seperti berikut:

- i) Pertama, **menambah baik kecekapan pasaran buruh** melalui usaha meminimumkan ketidakpadanan dalam pasaran buruh dan mengenal pasti jurang kemahiran kritikal bagi perancangan modal insan masa hadapan;
- ii) Kedua, **pekerja yang kehilangan pekerjaan akan dibantu** dalam proses carian pekerjaan, penempatan dan latihan melalui pelaksanaan Sistem Insurans Pekerjaan (SIP). Latihan *reskilling* dan *upskilling* juga akan disediakan untuk membantu pekerja yang kehilangan pekerjaan bagi meningkatkan kemahiran mengikut keperluan industri;

- iii) Ketiga, **mempergiat kolaborasi dengan pihak industri** untuk menambah baik kualiti program di institusi TVET dan institusi pengajian tinggi; dan
- iv) Keempat, **memperkukuh pembelajaran sepanjang hayat** untuk peningkatan kemahiran bagi membolehkan penganggur belia mendapat latihan semula dan kemahiran secara berterusan untuk memenuhi permintaan pasaran buruh.

Yang di-Pertua,

Kerajaan terus komited dalam usaha merapatkan jurang pembangunan di antara Semenanjung Malaysia dengan Sabah dan Sarawak. Ini termasuklah perancangan penambahan peluang pekerjaan kepada belia di Sabah dan Sarawak seperti meningkatkan pelaburan yang akan memberi manfaat langsung kepada penduduk tempatan, termasuklah dari segi peluang pekerjaan dan keusahawanan.

Dalam usaha untuk terus mengurangkan jurang pembangunan di negeri Sabah, Koridor Pembangunan Sabah (SDC) akan memainkan peranan yang lebih aktif dalam menarik pelaburan berkualiti bagi mempercepat pertumbuhan ekonomi negeri. Sehingga suku pertama 2018, SDC telah berjaya membawa masuk sebanyak RM66 bilion pelaburan swasta dan ini telah mewujudkan 36,615 peluang pekerjaan di dalam pelbagai bidang kepada penduduk di Sabah. Bagi negeri Sarawak pula, melalui pelaksanaan projek di bawah Koridor Tenaga Boleh Diperbaharui Sarawak (SCORE), sehingga kini, sebanyak RM33.6 bilion pelaburan direalisasi telah berjaya dibawa masuk ke negeri Sarawak dan mewujudkan sejumlah 6,755 pekerjaan baharu.

Sekian, terima kasih.

19 November 2018

Kementerian Hal Ehwal Ekonomi.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL PERTAMA
PARLIMEN KEEMPAT BELAS**

PERTANYAAN : LISAN

**DARIPADA : DATO' MANSOR OTHMAN
[NIBONG TEBAL]**

TARIKH : 19 NOVEMBER 2018 [ISNIN]

SOALAN NO. 21

Minta **MENTERI PERUMAHAN DAN KERAJAAN TEMPATAN** menyatakan **statistik terkini mengikut negeri, jumlah unit-unit (lot) perumahan yang diperuntukkan kepada Bumiputra** tetapi tidak dapat dijual oleh pemaju-pemaju perumahan dan apakah perancangan Kementerian untuk tangani isu ini.

JAWAPAN :

Tuan Yang di-Pertua,

1. Untuk makluman Yang Berhormat, berdasarkan rekod Jabatan Perumahan Negara (JPN), Kementerian Perumahan dan Kerajaan Tempatan (KPKT) bilangan unit rumah lot bumiputera yang didaftarkan oleh pemaju dan belum dijual bagi tempoh Januari hingga September 2018 adalah sebanyak 8,444 unit rumah. Pecahan lot kuota bumiputera yang belum dijual mengikut negeri adalah seperti berikut:

NEGERI	BILANGAN UNIT RUMAH LOT BUMIPUTERA YANG DIDAFTARKAN DAN BELUM DIJUAL
Johor	3,216
Kedah	292
Kelantan	19
Melaka	749
Negeri Sembilan	354
Pahang	37
Perak	388
Perlis	15
Pulau Pinang	619
Selangor	1,809
Terengganu	101
W.P Kuala Lumpur	845
JUMLAH	8,444

Sumber: Sistem e-pemaju, Jabatan Perumahan Negara

2. Untuk makluman Yang Berhormat juga, isu lambakan unit rumah yang tidak dijual termasuklah lot bumiputera dipengaruhi oleh 2 faktor utama iaitu:-
 - i) ketiadaan data penawaran dan permintaan yang tepat di mana terdapat pemaju-pemaju yang membangunkan projek perumahan dengan harga yang tidak sesuai dengan purata pendapatan penduduk di kawasan tersebut; dan
 - ii) kegagalan para pembeli mendapatkan pinjaman perumahan daripada bank dan institusi kewangan.
3. Bagi menangani isu ketiadaan data penawaran dan permintaan yang tepat, KPKT dengan kerjasama Pusat Maklumat Harta Tanah Negara (NAPIC) sedang membangunkan sistem data bersepadu yang lebih terperinci dan dapat mengurangkan *mismatch* penawaran serta permintaan dalam pembangunan perumahan yang seterusnya dapat mengurangkan masalah lambakan unit rumah yang tidak dapat dijual.
4. Manakala bagi isu kegagalan pembeli mendapatkan pinjaman perumahan, Kerajaan dalam pembentangan **Belanjawan 2019** telah mengumumkan beberapa **Inisiatif Pembiayaan Perumahan antaranya:-**
 - i) Kerajaan mencadangkan pengecualian duti setem ke atas surat cara pindah milik bagi pembelian rumah pertama, berharga antara RM300,001 sehingga RM1 juta berkuatkuasa bagi tempoh 6 bulan mulai 1 Januari 2019. Ini akan menjadi sebahagian daripada Kempen Pemilikan Rumah Kebangsaan di mana pemaju akan menawarkan potongan diskaun 10% ke atas harga hartanah kediaman projek sedia ada.

- ii) Kerajaan akan membenarkan platform penajaan dana masyarakat (*property crowdfunding*) yang dipacu oleh sektor swasta. Platform ini akan menjadi sumber alternatif bagi pembelian rumah pertama yang dikawal selia oleh Suruhanjaya Sekuriti melalui pinjaman terbuka antara rakan setara (*peer-to-peer lending*). Sebagai contoh, pembeli boleh membeli hartanah terpilih dengan bayaran 20% nilai hartanah manakala baki 80% akan dibiayai oleh pelabur yang ingin mendapat pulangan kenaikan nilai hartanah tersebut untuk suatu tempoh masa.

- iii) Kerajaan melalui Bank Negara Malaysia (BNM) akan menyediakan dana berjumlah RM 1 bilion bagi membantu golongan berpendapatan kurang dari RM2,300 sebulan untuk memiliki rumah mampu milik buat kali pertama, yang berharga sehingga RM150,000. Mulai 1 Januari 2019, dana ini tersedia di AmBank, CIMB Bank, Maybank, RHB Bank dan BSN melalui kadar pembiayaan terkurang serendah 3.5%. Ini akan mengurangkan jumlah bayaran ansuran bulanan pembiayaan oleh peminjam untuk memiliki rumah, dan seterusnya lebih mudah mendapat pembiayaan. Dana ini disediakan untuk dua tahun ataupun sehingga peruntukan dihabiskan.

- iv) Kerajaan akan memperuntukkan RM25 juta kepada Cagamas Berhad untuk menyediakan jaminan pajak gadai bagi membolehkan peminjam mendapat pembiayaan yang lebih tinggi termasuk bayaran deposit. Langkah ini dijangka memberi penjimatan kos antara 7% hingga 11% kepada pembeli rumah selain daripada apa-apa potongan diskaun yang ditawarkan oleh pemaju.

- v) Kerajaan juga akan memanjangkan tempoh pembiayaan perumahan sektor awam di bawah Lembaga Pembiayaan Perumahan Sektor Awam (LPPSA) di mana tempoh pembiayaan pertama dilanjutkan daripada 30 tahun kepada 35 tahun dan Pembiayaan Kedua daripada 25 tahun kepada 30 tahun.

Sekian, terima kasih.

**MESYUARAT KEDUA, PENGGAL PERTAMA,
PARLIMEN KEEMPAT BELAS
PEMBERITAHUAN PERTANYAAN
DEWAN RAKYAT MALAYSIA**

PERTANYAAN : JAWAB LISAN

DARIPADA : DATO' HAJI SALIM SHARIF [JEMPOL]

TARIKH : 19 NOVEMBER 2018 (ISNIN)

SOALAN : 22

minta **MENTERI PEMBANGUNAN LUAR BANDAR** menyatakan tindakan yang telah dilaksanakan berkenaan pembinaan Pusat Transformasi Luar Bandar (RTC) baharu di Jempol agar dapat dimanfaatkan sepenuhnya oleh penduduk di kawasan luar bandar yang sangat memerlukan dan mengharapkan kewujudan kemudahan tersebut.

JAWAPAN:

Tuan Yang Di-Pertua,

Untuk makluman Yang Berhormat, cadangan pembinaan RTC baharu di Jempol, Negeri Sembilan adalah keputusan yang dibuat oleh Kerajaan Negeri dengan menggunakan peruntukan kewangan negeri dan KPLB tidak terlibat dalam perancangan ini. Walau bagaimanapun, Kementerian menyambut baik hasrat tersebut kerana ia akan membawa manfaat dan memberi kemudahan kepada penduduk setempat.

PEMBERITAHUAN PERTANYAAN MESYUARAT KEDUA,
PENGGAL PERTAMA, PARLIMEN KEEMPAT BELAS,
MAJLIS MESYUARAT DEWAN RAKYAT

PERTANYAAN : LISAN

DARIPADA : TUAN NOOR AMIN BIN AHMAD
(KANGAR)

TARIKH : 19 NOV 2018 (ISNIN)

SOALAN:

Minta **MENTERI PERTAHANAN** menyatakan jumlah anggota tentera tidak berpencen dan berapa ramai di kalangan mereka yang menerima bantuan sara hidup.

JAWAPAN

Tuan Yang di-Pertua,

Jumlah veteran ATM tidak berpencen sehingga bulan September 2018 adalah seramai 173,869 orang. Daripada jumlah tersebut, jumlah penerima Bantuan Sara Hidup (BSH) adalah seramai 5,885 orang yang terdiri dari veteran ATM tidak berpencen seramai 4,047 orang dan balu veteran ATM tidak berpencen seramai 1,838 orang.

**PEMBERITAHU PERTANYAAN LISAN DEWAN RAKYAT
MESYUARAT KEDUA, PENGGAL PERTAMA
PARLIMEN KEEMPAT BELAS**

PERTANYAAN : LISAN

**DARIPADA : DATO' SERI DR. AHMAD ZAHID BIN HAMIDI
[BAGAN DATUK]**

TARIKH : 19 NOVEMBER 2018 (KHAMIS)

SOALAN NO. 24

Minta **MENTERI PENDIDIKAN** menyatakan adakah pihak Kerajaan bercadang untuk memansuhkan Akta Universiti dan Kolej Universiti [AUKU] 1971 sepertimana yang diperjuangkan sebelum ini serta adakah suatu Akta baharu akan diperkenalkan bagi mengawal pentadbiran universiti dan hal ehwal pelajar.

JAWAPAN

Yang di-Pertua,

Untuk makluman Ahli Yang Berhormat, Kementerian Pendidikan Malaysia (KPM) telah mengadakan sesi *facts finding* secara berterusan bersama pemegang taruh iaitu pengurusan tertinggi universiti awam, staf akademik, alumni, wakil persatuan kakitangan akademik, penasihat undang-undang dan orang awam untuk melihat persepsi dan kesediaan untuk memansuhkan atau meminda AUKU. Langkah ini selaras dengan hasrat Kerajaan menurunkan umur pengundi daripada 21 tahun kepada 18 tahun.

KPM telah menubuhkan empat Jawatankuasa Kerja yang berperanan untuk menyediakan input atau draf kandungan baru AUKU dan menyelaraskan laporan berkala dan pembentangan kepada Jawatankuasa Teknikal Pelaksanaan Pemansuhan atau Pindaan AUKU. Jawatankuasa Teknikal akan menyelaraskan, mengkaji dan menyemak peruntukan berkaitan yang terdapat dalam AUKU secara menyeluruh dan kemudiannya mengemukakan cadangan kepada Jawatankuasa Induk. Kesemua ahli Jawatankuasa ini dianggotai oleh ahli akademik, bukan akademik, penasihat undang-undang, wakil pelajar dan wakil persatuan yang merupakan pemegang taruh universiti awam dan swasta.

Bagi pelaksanaan jangka pendek (quick win), KPM telah bersetuju untuk membatalkan peruntukan yang menghalang pelajar terlibat dalam aktiviti parti politik di dalam kampus (Seksyen 15(2)(c) Akta Universiti Dan Kolej Universiti 1971 [Akta 30]) yang dijangka dibentangkan di Parlimen pada sesi Disember 2018.

Pindaan AUKU ini dilaksanakan bersekali dengan Akta Institusi Pendidikan Tinggi Swasta 1996 [Akta 555] dan Akta Institusi-Institusi Pelajaran (Tatatertib) 1976 [Akta 174] yang mempunyai peruntukan sama terpakai kepada Institusi Pendidikan Tinggi Swasta, Politeknik, Kolej Komuniti dan Institut Perguruan Malaysia.

KPM juga telah menyediakan satu garis masa tempoh pelaksanaan pemansuhan atau pindaan AUKU dimana ia dijangka akan dibentangkan di parlimen selesai dilaksanakan pada Disember tahun 2020. Satu kajian menyeluruh bagi melihat kesemua akta yang berkaitan dengan pendidikan tinggi dan sistem tadbir urus pendidikan tinggi yang bersesuaian akan dilakukan.

Sekian, terima kasih.

PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL PERTAMA,
PARLIMEN KEEMPAT BELAS

PERTANYAAN : JAWAB LISAN
DARIPADA : TUAN LIM KIT SIANG
[ISKANDAR PUTERI]
TARIKH : 19 NOVEMBER 2018

SOALAN NO. 25

Tuan Lim Kit Siang [Iskandar Puteri] minta **MENTERI PEMBANGUNAN WANITA, KELUARGA DAN MASYARAKAT** menyatakan apakah langkah alternatif Kementerian dalam mengatasi masalah akses kepada TASKA berdaftar, memandangkan sistem insentif cukai sedia ada gagal mengatasi masalah ini kerana lebih daripada 60% daripada tenaga kerja di negara ini bekerja di dalam sektor tidak formal.

JAWAPAN: YAB DATO' SERI DR. WAN AZIZAH DR. WAN ISMAIL, TIMBALAN PERDANA MENTERI MERANGKAP MENTERI PEMBANGUNAN WANITA, KELUARGA DAN MASYARAKAT

Tuan Yang di-Pertua,

Kementerian amat menggalakkan dan memandang serius terhadap kewajipan ibu bapa untuk menghantar anak ke TASKA yang berdaftar dengan Jabatan Kebajikan Masyarakat (JKM) demi keselamatan dan perkembangan yang sihat kanak-kanak.

Kementerian ini mewajibkan semua TASKA berdaftar dengan Jabatan Kebajikan Masyarakat di bawah Akta Taman Asuhan Kanak-Kanak 1984 [Akta 308]. Walau bagaimanapun, hasil Kajian Perkhidmatan TASKA di Malaysia mendapati bahawa jarak TASKA dari rumah merupakan faktor utama bagi ibu bapa dalam pemilihan TASKA kepada anak-anak mereka (Zaida M. et al., 2017, p. 171).

Maklumat daripada 49 buah Pihak Berkuasa Tempatan yang terdiri daripada 6 Negeri dan 2 Wilayah Persekutuan menunjukkan bahawa permohonan penubuhan TASKA dari tahun 2015 hingga 2018 mempunyai sebanyak 98 daripada 841 buah TASKA ditolak permohonan di peringkat Pihak Berkuasa Tempatan atas faktor lokasi, aduan awan/jiran dan lain-lain.

Bajet 2019 Perenggan 195 mengumumkan bahawa peruntukan RM10 juta disediakan kepada 50 buah TASKA di bangunan kerajaan bagi menggalakkan penubuhan TASKA di Tempat Kerja sektor awam. Selain itu, kemudahan galakkan cukai bagi pengusaha dan majikan syarikat swasta yang menubuhkan TASKA juga akan diteruskan.

Kementerian ini juga dalam usaha untuk merunding dengan syarikat utiliti bagi mengurangkan kos operasi TASKA untuk menggalakkan untuk penubuhan dan pendaftaran TASKA.

Bajet 2017 perenggan 294 mengumumkan pelepasan cukai sehingga RM1,000.00 diberikan kepada pembayar cukai individu yang menghantar anak berumur 6 tahun dan ke bawah mulai tahun taksiran 2017 ke TASKA yang berdaftar dengan JK. Walau bagaimanapun, pihak kementerian menyedari bahawa insentif cukai ini tidak dapat dimanfaatkan oleh ibu bapa atau individu yang bekerja dalam sektor tidak formal atau tidak layak dikenakan cukai pendapatan.

Kementerian turut menyediakan Insentif Yuran Pengasuhan kepada keluarga yang berpendapatan rendah yang menghantar anak ke TASKA berdaftar dengan JKM. Kadar subsidi yuran pengasuhan adalah sebanyak RM250.00 sebulan bagi seorang kanak-kanak. Subsidi ini diberi mengikut kadar yuran sebenar yang dibayar oleh ibu bapa/penjaga bagi seorang kanak-kanak di TASKA, tetapi tidak melebihi nilai maksimum yang ditetapkan.

Selain itu, pihak Kementerian juga menyediakan TASKA Komuniti yang ditubuhkan atas inisiatif komuniti untuk manfaat kepada keluarga yang berpendapatan rendah di bandar dan luar bandar. Kerajaan telah meluluskan geran subsidi yuran pengasuhan di TASKA Komuniti sebanyak RM180.00 sebulan kepada kanak-kanak yang ibu bapa / penjaga berpendapatan RM5,000.00 dan ke bawah sebulan.

Selain dari Kementerian ini, Kementerian-Kementerian yang lain juga menyediakan TASKA dalam kadar yuran bulanan minimum, termasuk TASKA KEMAS yang oleh Jabatan Kemajuan Masyarakat, TASKA PERMATA Perpaduan yang oleh Jabatan Perpaduan Negara Dan Integrasi Nasional dan Pusat Anak PERMATA Negara oleh Bahagian PERMATA.

Kementerian ini menyarankan agar ibu bapa/penjaga menghantar anak ke TASKA yang berdaftar bagi memastikan keselamatan dan perkembangan kanak-kanak terjamin.

PEMBERITAHUAN PERTANYAAN BAGI JAWAPAN LISAN
MESYUARAT KEDUA PENGGAL PERTAMA,
PARLIMEN KEEMPAT BELAS,
MAJLIS MESYUARAT DEWAN RAKYAT

PERTANYAAN : LISAN

DARIPADA : YB DATO' ABDULLAH SANI BIN ABDUL HAMID

TARIKH : 19 NOVEMBER 2018

SOALAN :

Dato' Abdullah Sani bin Abdul Hamid [Kapar] minta **MENTERI TENAGA MANUSIA** menyatakan pelan dan kerangka pelaksanaan TVET untuk melahirkan pekerja mahir dapat dicapai.

PR-1412-L01554

JAWAPAN

Tuan Yang Di Pertua,

1. Kerajaan telah mengenal pasti aspek pembangunan modal insan sebagai salah satu teras strategik RMKe-11 dengan mengunjurkan keperluan melahirkan tenaga kerja mahir sebanyak 35 peratus daripada jumlah tenaga kerja menjelang tahun 2020. Di bawah teras ini, Kerajaan telah menetapkan supaya TVET diperkukuhkan dan dimartabatkan bagi menyediakan tenaga kerja berkemahiran tinggi dalam pasaran buruh negara.

2. Secara keseluruhannya, bidang fokus TVET ini menghasilkan modal insan berkemahiran tinggi yang diperlukan Malaysia dalam fasa terakhir untuk mencapai taraf negara maju menjelang tahun 2020. Pelbagai inisiatif telah dilaksanakan oleh Kementerian Sumber Manusia melalui jabatan dan agensi di bawahnya dalam menjana, mengekalkan dan memenuhi keperluan pekerja mahir negara seperti mana yang dirancang dalam kerangka pelaksanaan TVET antaranya:

- (i) Melaksanakan program latihan berteraskan Sistem Latihan *Dual* Negara (SLDN) yang dikendalikan oleh Jabatan Pembangunan Kemahiran (JPK) secara kerjasama antara institusi latihan dan pihak industri bagi melahirkan tenaga kerja tempatan berkemahiran berdasarkan keperluan industri, khususnya dalam

pekerjaan berintensif teknologi automasi dan pengetahuan;

- (ii) Memperkukuh tadbir urus TVET untuk pengurusan yang lebih baik. Melalui pemantapan kerangka kelayakan nasional, sektor TVET sedia ada akan diperkukuhkan melalui sistem akreditasi tunggal yang akan digunakan oleh MQA dan JPK bagi penyelarasan dan pemantauan TVET yang lebih baik;
- (iii) Memperluaskan akses pendidikan dan latihan dalam bidang Pendidikan Teknikal dan Latihan Vokasional (TVET) menerusi program-program latihan yang ditawarkan oleh Institusi Latihan Jabatan Tenaga Manusia (ILJTM) di dalam pelbagai bidang kejuruteraan dan teknikal, menyumbang secara signifikan kepada kemahiran peserta; dan
- (iv) Mengadakan kerjasama dengan pihak industri bagi mewujudkan latihan berdasarkan keperluan kemahiran dalam pasaran pekerjaan mengikut teknologi terkini serta keperluan industri semasa;

3. Secara tuntasnya pihak Kerajaan sentiasa komited dalam usaha untuk melahirkan tenaga kerja mahir dalam memastikan negara dapat mengurangkan kebergantungan kepada tenaga kerja

asing termasuk galakan kepada sektor-sektor yang berintensif buruh beralih kepada penggunaan mekanisasi dan automasi. Langkah ini dapat membantu Kerajaan mencapai sasaran melahirkan 35 peratus pekerja mahir di Malaysia menjelang 2020 dengan pemantapan dasar Pendidikan Teknikal dan Latihan Vokasional (TVET).

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL PERTAMA
PARLIMEN KEEMPAT BELAS**

PERTANYAAN : LISAN

**DARIPADA : TUAN SU KEONG SIONG
[KAMPAR]**

TARIKH : 19 NOVEMBER 2018 [ISNIN]

SOALAN NO. 27

Minta **MENTERI PERUMAHAN DAN KERAJAAN TEMPATAN** menyatakan sama ada Kementerian akan mengkaji semula pemberian Lesen Import (AP) Sisa Plastik untuk diproses di negara kita yang jelas membawa kesan-kesan negatif dan ancaman terhadap alam sekitar.

JAWAPAN

Yang di-Pertua,

1. Untuk makluman Yang Berhormat, Kementerian Perumahan dan Kerajaan Tempatan (KPKT) melalui Jabatan Pengurusan Sisa Pepejal Negara (JPSPN) sedang mengkaji hala tuju pengimportan sisa plastik (H.S. Code 3915) di Malaysia dengan mengambil kira faktor alam sekitar, kesihatan rakyat serta ekonomi Negara. Antara cadangan yang sedang dikaji oleh KPKT adalah dengan pemberian Lesen Import (AP) Sisa Plastik secara bersyarat melalui jaminan bank (*bank guarantee*) bagi memastikan pengimport tidak menyalahgunakan AP sehingga sisa plastik yang diimport tidak dapat diproses, dilonggokkan secara haram, menimbulkan kacau ganggu atau mengakibatkan kerosakan dan pencemaran kepada alam sekitar. *Bank guarantee* ini akan digunakan untuk menyelesaikan isu-isu yang berlaku sekiranya terdapat masalah terhadap sisa plastik yang diimport.
2. Sekiranya sisa plastik yang diimport tersebut didapati kotor dan tidak *homogenous*, wang tersebut akan dicairkan untuk digunakan bagi memulangkan sisa plastik bekecuaan ke negara pengeluar atau digunakan untuk proses rawatan sisa plastik yang diimport tersebut. Walau bagaimanapun, keperluan *Bank Guarantee* ini akan diperhalusi serta dikaji dengan lebih lanjut sebelum pelaksanaannya dapat dilakukan bagi membolehkan kutipan *Bank Guarantee* oleh Kementerian dibuat secara teratur dan seterusnya jaminan dapat diberikan kepada KPKT oleh benefisiari apabila berlakunya pelanggaran syarat lesen import.
3. KPKT juga sedang menggubal 1 peraturan khusus bagi mengawal selia sisa plastik yang diimport ke dalam negara dan juga akan mengenakan bayaran (fi / levi) bagi setiap sisa plastik yang dibawa

masuk ke dalam negara pada masa hadapan. KPKT juga akan memastikan hanya sisa plastik yang bersih, *homogenous* dan tidak bercampur dengan sisa-sisa lain dibenarkan masuk ke dalam negara ini agar proses kitar semula menggunakan sisa plastik yang diimport tersebut tidak mencemarkan alam sekitar dan memberi kesan buruk kepada kesihatan awam.

4. Selain itu, KPKT juga akan menetapkan 14 syarat-syarat baharu bagi kelulusan AP Sisa Plastik H.S. Code 3915 dan perlu dipatuhi oleh pengimport bagi mengawal kemasukan sisa plastik import ke Malaysia seperti berikut :
- (i) Mengemukakan pengesahan kapasiti sebenar mesin pemprosesan yang diperakui oleh SIRIM atau Jurutera bertauliah;
 - (ii) Mengemukakan surat kelulusan operasi kilang daripada Jabatan Alam sekitar (JAS);
 - (iii) Mengemukakan surat kelulusan memasang dan mengoperasi Jentera daripada Jabatan Keselamatan dan Kesihatan Pekerjaan (JKKP);
 - (iv) Pengesahan kuantiti sisa plastik yang diimport oleh pihak Kastam Diraja Malaysia melalui Sistem Maklumat Kastam (SMK);
 - (v) Pengimport yang berstatus Lesen Pengilang (*Manufacture Licence*) yang diluluskan oleh Lembaga Pembangunan Pelaburan Malaysia (MIDA) tidak dibenarkan mengimport sisa plastik;

- (vi) Memperkenalkan bayaran levi RM15.00 setiap tan kepada pengimport;
 - (vii) Memperkenalkan Jaminan Bank (*bank guarantee*) kepada pengimport;
 - (viii) Menetapkan premis sisa plastik supaya beroperasi di kawasan industri berat mengikut kapasiti;
 - (ix) Menguatkuasakan pematuhan *good housekeeping* di premis;
 - (x) Menguatkuasakan pematuhan *proper storage* bahan mentah di premis;
 - (xi) Mengemukakan senarai pembekal sisa plastik;
 - (xii) Mengemukakan senarai pembeli produk akhir;
 - (xiii) Mengemukakan semua senarai kilang di bawah milik syarikat; dan
 - (xiv) Menyatakan maklumat lokasi pelupusan sisa yang dijana dari kilang pengimport.
5. Dari sudut ekonomi negara pula, KPKT merancang untuk menetapkan ratio bagi syarikat pengimport sisa plastik dengan mewajibkan penggunaan 30% sisa plastik tempatan. Langkah ini akan mengurangkan kebergantungan industri plastik tempatan terhadap sisa plastik import dan juga memastikan industri plastik tempatan tidak terjejas seterusnya akan merangsang aktiviti kitar semula sisa plastik tempatan.

Sekian, terima kasih.

NO. SOALAN: 28

PEMBERITAHUAN PERTANYAAN DEWAN RAKYAT

PERTANYAAN : LISAN

DARIPADA : YB PUAN WONG SHU QI [KLUANG]

TARIKH : 19 NOVEMBER 2018 (ISNIN)

SOALAN : 28

Puan Wong Shu Qi [Kluang] minta **PERDANA MENTERI** menyatakan secara terperinci laporan kedudukan setiap Kementerian dalam Public Service Corruption Ranking (PSCR) yang diterbitkan oleh SPRM.

JAWAPAN: YB Tuan Mohamed Hanipa Maidin

Timbalan Menteri Di Jabatan Perdana Menteri

Yang Berhormat,

Public Service Corruption Ranking (PSCR) adalah mekanisme pencegahan yang dilaksanakan untuk menunjukkan tahap rasuah sesuatu kementerian. Keputusan tahap rasuah ini hanya didedahkan dalam platform tertutup kepada kementerian yang berkenaan. Keputusan PSCR tidak diumumkan secara terbuka:

- i. Bagi mengelak pihak tertentu menyalah guna keputusan ini sebagai serangan politik
- ii. Bagi mengelak persepsi negatif masyarakat terhadap kementerian
- iii. Bagi mengelak pandangan serong di kalangan kementerian dan mengelak serangan peribadi

Perlu diberi perhatian bahawa keputusan PSCR ini akan berubah setiap tahun berdasarkan data komponen dan insiatif yang dilaksanakan oleh kementerian. Maka keputusan PSCR ini adalah tanda “red flag” kepada sesuatu Kementerian sahaja dan keputusan itu juga boleh digunakan untuk pihak Kementerian mengambil langkah-langkah intervensi yang bersesuaian bagi membendung dan juga memperkasakan pencegahan Rasuah, integriti dan governans dalam kementerian berkaitan.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL PERTAMA,
PARLIMEN KEEMPAT BELAS**

PERTANYAAN : LISAN
DARIPADA : Y.B. DATUK DR. HAJI ABD LATIFF BIN AHMAD
[MERSING]
TARIKH : 19 NOVEMBER 2018 (ISNIN)

SOALAN NO. 29

Y.B. DATUK DR. HAJI ABD LATIFF BIN AHMAD [MERSING] minta **MENTERI KEWANGAN** menyatakan apakah usaha dan langkah Kementerian untuk memperkembangkan sektor pelancongan perubatan memandangkan terdapat pertumbuhan tahunan dalam sektor ini dan penyumbang terbesar kepada industri pelancongan negara.

JAWAPAN

Tuan Yang di-Pertua,

Untuk makluman Ahli Yang Berhormat, Kerajaan telah mengenalpasti pelancongan perubatan sebagai salah satu sektor penyumbang untuk melonjakkan pertumbuhan ekonomi Negara. Malaysia dilihat berpotensi besar sebagai destinasi pelancongan perubatan berdasarkan pelbagai faktor tarikan diantaranya adalah kos kesihatan yang kompetitif, pakar perubatan yang berkelayakan taraf antarabangsa, sistem penjagaan kesihatan yang baik, fasiliti perubatan dengan akreditasi tempatan dan antarabangsa, sistem pemantauan pelaksanaan yang dikawal selia dengan baik serta kemudahan perubatan yang canggih dan terkini.

Kerajaan melalui Malaysia Healthcare Travel Council (MHTC) telah giat melaksanakan promosi sektor pelancongan perubatan Malaysia kepada negara-negara luar melalui tiga strategi utama iaitu pemudahcaraan (*facilitation*), pemasaran digital (*digital marketing*) dan kemampanan industri (*industry sustainability*).

Antara langkah strategi pemasaran yang telah dilaksanakan oleh MHTC adalah seperti berikut:

1. Berperanan sebagai pemudahcaraan industri bagi menekankan khidmat kesihatan bernilai tinggi yang menawarkan rawatan perubatan khusus (*niche*) termasuk rawatan kesuburan seperti IVF, rawatan jantung (*cardiology*), rawatan onkologi (*oncology*), rawatan ortopedik (*orthopaedic*) dan lain-lain rawatan yang bernilai tinggi. Maklumat terperinci seperti di **Lampiran I**;
2. Menawarkan inisiatif berasaskan perniagaan (*business-to-business* atau B2B) bagi memastikan pengalaman perkhidmatan penjagaan kesihatan yang lancar (*seamless end-to-end experience*) ie; *medical check up*;
3. Peningkatan usaha melalui kerjasama antara Malaysia dengan agensi-agensi kerajaan di luar negara (*Government-to-government* atau G2G) bagi membuka laluan kepada hospital swasta menerima pesakit-pesakit dari luar negara; dan
4. Menggiatkan pemasaran digital dengan pengaplikasian internet dan media sosial termasuk Facebook dan Twitter untuk liputan tempatan dan

antarabangsa melalui media massa untuk meningkatkan visibiliti Malaysia sebagai destinasi pelancongan kesihatan.

Sehingga 2017, sejumlah RM144.55 juta telah disalurkan kepada MHTC oleh Kerajaan bagi melaksanakan pelbagai program pelancongan perubatan antaranya ialah Mempromosi Malaysia Sebagai Hub Rawatan Kesuburan Termasuk IVF dan Kardiologi Asia serta program *Flagship Medical Tourism Hospital*. Bagi tahun 2018, sebanyak RM11.4 juta telah disalurkan kepada MHTC untuk pelaksanaan program-program berkaitan pelancongan perubatan.

PEMBERITAHUAN PERTANYAAN DEWAN RAKYAT

PERTANYAAN : LISAN

DARIPADA : YB TUAN SANISVARA NETHAJI RAYER A/L RAJAJI [JELUTONG]

TARIKH : 19 NOVEMBER 2018

SOALAN : NO. 30

YB TUAN SANISVARA NETHAJI RAYER A/L RAJAJI [JELUTONG] minta **PERDANA MENTERI** menyatakan adakah Kerajaan bercadang untuk menaikkan peruntukan pengurusan pusat khidmat parlimen dan sama ada caruman KWSP dan SOCSO juga akan dibuat oleh Kerajaan untuk kakitangan pusat khidmat parlimen.

JAWAPAN: YB DATUK WIRA DR. MD FARID BIN MD RAFIK
TIMBALAN MENTERI DI JABATAN PERDANA MENTERI

Tuan Yang di-Pertua,

Peruntukan bagi pengurusan Pusat Khidmat Rakyat boleh digunakan bagi membiayai bayaran sewa pusat khidmat, pengubahsuaian pejabat, elaun pembantu, pembelian peralatan dan pembayaran utiliti. Buat masa ini, Kerajaan tidak bercadang untuk menaikkan kadar peruntukan yang telah diluluskan bagi pengurusan Pusat Khidmat Rakyat.

Lantikan kakitangan Pusat Khidmat Rakyat dilaksanakan sendiri oleh YB Ahli Parlimen yang berkenaan. Sehubungan itu, YB Ahli Parlimen sebagai majikan adalah bertanggungjawab untuk menguruskan caruman KWSP dan SOCSO kakitangan terbabit. Bagi tujuan ini, YB Ahli Parlimen boleh menggunakan sebahagian daripada peruntukan pengurusan Pusat Khidmat Rakyat.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL PERTAMA
PARLIMEN KEEMPAT BELAS**

PERTANYAAN : LISAN

**DARIPADA : DATO' HAJI MOHD FASIAH BIN HAJI MOHD
FAKEH [SABAK BERNAM]**

TARIKH : 19 NOVEMBER 2018 (ISNIN)

SOALAN NO.31

Minta **MENTERI PENDIDIKAN** menyatakan bilangan pelajar Institut Pengajian Tinggi (IPTA) pada masa ini dan nyatakan langkah Kerajaan bagi membantu pelajar IPTA yang berkenaan yang tidak mampu seperti yuran pengajian asrama (tempat tinggal) dan kos sara hidup.

JAWAPAN

Yang di-Pertua,

Untuk makluman Ahli Yang Berhormat, berdasarkan Statistik Pendidikan Tinggi pada tahun 2017, bilangan enrolmen pelajar di institusi pendidikan tinggi awam (IPTA) adalah seramai 659,082 orang. Daripada jumlah tersebut, enrolmen pelajar di universiti awam (UA) adalah seramai 538,555 orang, di Politeknik seramai 99,606 orang dan di Kolej Komuniti seramai 20,921 orang.

Kementerian Pendidikan Malaysia (KPM) sentiasa menitikberatkan kebajikan pelajar di IPTA terutamanya pelajar yang kurang berkemampuan supaya dapat menikmati kemudahan pembelajaran yang kondusif tanpa dibelenggu masalah kewangan dan pembiayaan. Justeru, KPM telah menyalurkan Bantuan Pelajar Pendidikan Tinggi (BPPT) bernilai RM250 melalui kad debit pelajar dan boleh digunakan untuk pembelian bahan bacaan, alat tulis, alatan komputer dan akses internet. BPPT tersebut dijangka akan memanfaatkan seramai 1.2 juta pelajar IPTA.

Selain itu, IPTA sentiasa mengambil tindakan proaktif dan komited dalam membantu pelajar kurang berkemampuan bagi mengurangkan beban kos sara hidup yang tinggi melalui pelbagai program bantuan seperti:

1. Program bantuan Tabung Sadaqah dan bantuan Tabung Infaq di Universiti Sultan Zainal Abidin;
2. Skim Mahasiswa Bekerja dan bantuan Tabung Kebajikan Mahasiswa di Universiti Pendidikan Sultan Idris;
3. Bantuan Sara Diri dan bantuan Yuran Pengajian di Universiti Malaysia Pahang;
4. Memberikan peluang perniagaan *Job On Campus* di Universiti Malaysia Terengganu dan Universiti Teknologi Malaysia;
5. Bantuan kewangan pembiayaan yuran kursus kepada mahasiswa B40 daripada Lembaga Amanah Kolej Islam Malaysia di Universiti Islam Antarabangsa Malaysia dan *CIMB Foundation Be SMART Programme* di Universiti Kebangsaan Malaysia;
6. Bantuan Kewangan Pelajar Kolej Komuniti;

7. Bantuan Kewangan Asasi IPTA; dan
8. Bantuan Kewangan Orang Kurang Upaya dan Program Pendidikan Khas di politeknik dan kolej komuniti.

Selain bantuan berbentuk kewangan, keutamaan kemudahan penginapan disediakan kepada pelajar diberikan kepada pelajar cemerlang dan kriteria lain yang telah ditetapkan oleh UA. Malahan, yuran penginapan yang dikenakan kepada pelajar adalah serendah RM3 sehari. KPM turut merancang penambahan blok kolej kediaman baharu.

Sekian, terima kasih.

RJM103

**PEMBERITAHUAN PERTANYAAN JAWAB LISAN DEWAN RAKYAT
MESYUARAT KEDUA, PENGGAL PERTAMA,
PARLIMEN KEEMPATBELAS**

PERTANYAAN : JAWAB LISAN

DARIPADA : YB TUAN MORDI BIMOL [MAS GADING]

TARIKH : 19 NOVEMBER 2018

SOALAN : 32

Tuan Mordi Bimol [Mas Gading] minta **MENTERI DALAM NEGERI** menyatakan apakah tindakan yang sedang diambil tentang masalah dadah yang semakin meruncing dan ada laporan tidak rasmi menyatakan masalah pengambilan dadah kini menular di peringkat sekolah rendah dan semakin serius di kawasan luar bandar terutama di kawasan sempadan.

JAWAPAN:

Tuan Yang Dipertua,

Untuk makluman ahli Yang Berhormat Mas Gading dan Dewan yang mulia ini, Kementerian Dalam Negeri amat memandang serius gejala penyalahgunaan dadah dalam masyarakat termasuk di peringkat institusi pendidikan dan kawasan luar bandar dan telah melaksanakan pelbagai langkah pencegahan dan pemulihan dadah.

Masalah dadah di negara kita adalah terkawal, dengan jumlah penagih dadah yang meningkat dari tahun 2013 ke 2016, iaitu pada tahun 2013 seramai 20,887 orang, tahun 2014 seramai 21,777 orang, tahun 2015 seramai 26,668 orang dan tahun 2016 seramai 30,844 orang. Walau bagaimanapun, jumlah penagih dadah yang dikesan pada tahun 2017 telah menurun sebanyak 16% berbanding tahun 2016, iaitu seramai 25,922 orang.

Bagi mewujudkan dasar yang holistik dan komprehensif yang boleh diguna pakai selaras dengan peredaran masa, Kerajaan telah memperkenalkan Dasar Dadah Negara yang telah diluluskan pada tahun 2017. Matlamat Dasar Dadah Negara (DDN 2017) adalah mewujudkan negara dan masyarakat Malaysia yang bebas daripada ancaman gejala dadah bagi menjamin kesejahteraan hidup bermasyarakat, mengekalkan kestabilan dan ketahanan nasional. DDN 2017 juga dijadikan sumber rujukan dan panduan utama dalam usaha memerangi dadah di semua peringkat pelaksanaan seluruh negara. Dasar ini mempunyai lima (5) teras utama iaitu Teras Pendidikan Pencegahan, Teras Rawatan dan Pemulihan, Teras Penguatkuasaan, Teras Pengurangan Kemudaratan serta Teras Kerjasama Antarabangsa.

Pada masa ini, Kementerian Dalam Negeri (KDN) melalui Agensi Antidadah Kebangsaan (AADK) mengambil langkah-langkah yang lebih efisien untuk membanteras masalah penyalahgunaan dadah. Bermula tahun 2016 dan diteruskan sehingga tahun 2018, AADK telah melancar

dan melaksanakan usaha memerangi dadah habis-habisan melalui Program Perangi Dadah Habis-Habisan (PDH) yang melibatkan aktiviti:

- i. *Omnipresence*
- ii. Ops Cegah
- iii. Ops Bersepadu / Ops Sarang
- iv. Media
- v. Ikon Antidadah
- vi. *Community Empowerment*

Strategi PDH adalah menggunakan pendekatan menggerakkan agensi-agensi kerajaan, swasta, pertubuhan bukan kerajaan (NGO) dan komuniti secara bersama dalam memerangi dadah bagi mengurangkan penawaran dan permintaan dadah. Pendekatan ini dilaksanakan melalui tiga strategi teras iaitu pendidikan pencegahan, rawatan dan pemulihan serta penguatkuasaan dadah.

AADK melaksanakan aktiviti ini secara berfokus dengan menyasarkan sebanyak 178 buah kawasan berisiko tinggi yang telah dikenal pasti. Operasi secara bersepadu dengan Kementerian/Jabatan lain seperti Polis Diraja Malaysia dan pihak berkuasa tempatan dilaksanakan di kawasan tumpuan ini.

Pada masa yang sama, aktiviti lain seperti program-program khusus di bawah strategi pencegahan dadah terus dijalankan dengan lebih meluas seperti Keluarga Bebas Dadah, Institusi Pendidikan Bebas Dadah, Tempat Kerja Bebas Dadah dan Komuniti Bebas Dadah melalui kerjasama strategik dengan Kementerian/Jabatan/Agensi lain.

Bagi menangani masalah pengedaran dan penyeludupan dadah, pelaksanaan strategi dan tindakan penguatkuasaan yang berterusan oleh Polis Diraja Malaysia (PDRM) telah diambil seperti berikut:

- i. Mempertingkatkan kerjasama dengan lain-lain agensi penguatkuasaan tempatan dan antarabangsa dalam berkongsi maklumat risikan dan menjalankan operasi bersepadu;

- ii. Menjalankan risikan terperinci untuk mengesan dan mengambil tindakan undang-undang ke atas sindiket dan pengedar dadah yang terlibat;
- iii. Memperkasakan penguatkuasaan dan risikan di kawasan sempadan negara melalui kerjasama antarabangsa dengan pihak berkuasa Thailand dengan penubuhan Sekretariat Nukleus Narkotik (SNN) di sempadan Kelantan, Kedah, Perlis dan Perak; dan
- iv. Penubuhan Unit Teknikal Imbasan Kenderaan (UTIK) yang ditempatkan di pintu masuk sempadan Malaysia dan Thailand untuk membanteras dan mengesan penyeludupan dadah di pintu masuk sempadan negara.

Untuk memastikan masalah dadah di negara kita terus terkawal dan dapat ditangani dengan lebih berkesan, Kerajaan telah mempertingkatkan kerjasama strategik dengan badan-badan bukan Kerajaan dan masyarakat setempat.

SOALAN NO. : 33

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL PERTAMA
PARLIMEN KEEMPAT BELAS**

PERTANYAAN : LISAN

DARIPADA : TUAN HAJI HASBI BIN HAJI HABIBOLLAH [LIMBANG]

TARIKH : 19 NOVEMBER 2018 (ISNIN)

SOALAN NO. 33

Tuan Haji Hasbi bin Haji Habibollah [Limbang] minta **MENTERI AIR, TANAH DAN SUMBER ASLI** menyatakan bilakah Kementerian akan memulakan “dredging” di kuala Sungai Limbang yang semakin tohor dan mendap untuk mengatasi masalah banjir di bandar Limbang dan perkampungan di sepanjang sungai Limbang semasa air pasang besar dan musim hujan.

SOALAN NO. 33

JAWAPAN:

Tuan Yang di-Pertua,

Tender bagi Kerja-kerja Pengorekan Muara Sungai Limbang telah diiklankan pada tahun 2017. Walau bagaimanapun, projek tidak dapat diteruskan memandangkan projek tersebut perlu mendapat kelulusan pertapakan daripada *State Planning Authority* (SPA) sebelum kerja-kerja dilaksanakan di tapak. Kelulusan daripada SPA telah diperolehi pada 9 April 2018. Pada masa ini, projek tersebut belum ditawarkan berikutan arahan Kementerian Kewangan (MOF) untuk membuat penilaian semula semua projek/ tender dan dijangka di tender semula pada tahun 2019.

Sekian, terima kasih.

**PEMBERITAHUAN PERTANYAAN JAWAB LISAN DEWAN RAKYAT
MESYUARAT KEDUA, PENGGAL PERTAMA,
PARLIMEN KEEMPATBELAS**

PERTANYAAN : LISAN

**DARIPADA : YB TUAN PRABAKARAN A/L M
PARAMESWARAN (BATU)**

TARIKH : 19 NOVEMBER 2018

SOALAN : 34

Tuan Prabakaran A/L M Parameswaran [Batu] minta **MENTERI DALAM NEGERI** menyatakan berapa lamakah tempoh yang ditetapkan untuk mendapatkan jawapan dan keputusan bagi permohonan mendapatkan IC warganegara.

JAWAPAN

Tuan Yang di-Pertua,

Setiap permohonan kewarganegaraan yang diterima oleh Kementerian Dalam Negeri (KDN) akan diproses dengan teliti dalam memastikan setiap permohonan berkenaan memenuhi syarat-syarat perundangan yang ditetapkan dalam Bahagian III, Perlembagaan Persekutuan. Justeru itu, tempoh masa bagi mendapatkan keputusan sesuatu permohonan kewarganegaraan adalah berbeza mengikut *case-by-case*. Manakala bagi permohonan IC warganegara iaitu MyKad (kad pengenalan berwarna biru), setelah pemohon memperolehi Sijil Kewarganegaraan, pemohon boleh terus memohon MyKad di mana-mana pejabat Jabatan Pendaftaran Negara (JPN) di seluruh negara.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL PERTAMA,
PARLIMEN KEEMPAT BELAS**

PERTANYAAN : LISAN
DARIPADA : Y.B. TAN SRI NOH BIN OMAR
[TANJONG KARANG]
TARIKH : 19 NOVEMBER 2018 (ISNIN)

SOALAN NO. 35

Y.B. TAN SRI NOH BIN OMAR [TANJONG KARANG] minta **MENTERI KEWANGAN** menyatakan status terkini kapal layar Equanimity dan berapakah kos keseluruhan yang telah dibelanjakan oleh Kementerian bermula daripada tarikh dibawa pulang hingga sekarang.

JAWAPAN

Tuan Yang Dipertua,

Untuk makluman Dewan yang mulia, 1MDB telah memperoleh Perintah Mahkamah (*Court Order*) pada 5 Oktober 2018 untuk melantik Winterbothams sebagai *Appraiser and Condition Surveyor* ke atas kapal "*Equanimity*". Melalui Perintah Mahkamah yang sama juga, Burgess telah dilantik sebagai broker tunggal untuk membantu proses pemasaran dan penjualan kapal tersebut yang dijangka selesai sepenuhnya pada penghujung tahun ini.

Selain itu, permohonan penghakiman (*Judgment in Default*) bagi isu kapal ini juga telah difailkan dan proses pendengaran (*hearing*) dijangka akan ditetapkan oleh mahkamah dalam masa terdekat.

Tuan Yang Dipertua,

Sehingga 10 Oktober 2018, jumlah kos telah dibelanjakan untuk kapal ini adalah sebanyak kira-kira RM3.5 juta yang antara lain meliputi bayaran kos perkhidmatan pelabuhan, kos anak kapal, kos penyelenggaraan, serta kos perundangan.

**PEMBERITAHUAN PERTANYAAN JAWAB LISAN DEWAN RAKYAT
MESYUARAT KEDUA, PENGGAL PERTAMA,
PARLIMEN KEEMPATBELAS**

PERTANYAAN : JAWAB LISAN

**DARIPADA : YB DATIN PADUKA DR. TAN YEE KEW
(WANGSA MAJU)**

TARIKH : 19 NOVEMBER 2018

SOALAN : 36

Datin Paduka Dr. Tan Yee Kew [Wangsa Maju] minta MENTERI DALAM NEGERI menyatakan berapakah jumlah pendatang asing (sama ada dengan izin atau tanpa izin) yang berdaftar dan tidak berdaftar di dalam rekod agensi Kerajaan bagi Parlimen Wangsa Maju dan langkah-langkah yang diambil untuk mengurangkan banjir pendatang asing di kawasan Wangsa Maju.

JAWAPAN

Tuan Yang Di Pertua,

Untuk makluman Yang Berhormat, Kerajaan tidak mempunyai statistik mutlak berhubung jumlah Pendatang Asing Tanpa Izin (PATI) di negara ini. Walau bagaimanapun, operasi penguatkuasaan oleh Kementerian Dalam Negeri (KDN) melalui Jabatan Imigresen Malaysia (JIM) sentiasa dijalankan secara menyeluruh di seluruh Malaysia bagi mengesan serta menangkap PATI. Oleh itu, bagi menjawab pertanyaan Yang Berhormat mengenai tangkapan PATI oleh JIM Wilayah Persekutuan Kuala Lumpur yang meliputi kawasan Wangsa Maju bagi tempoh tahun 2016 sehingga bulan Oktober 2018, adalah sebanyak 1,944 orang dengan pecahan

statistik pada tahun 2016 dengan jumlah sebanyak 739 orang, 639 orang pada tahun 2017 dan 566 orang pada tahun 2018.

Secara amnya, operasi penguatkuasaan ini dijalankan secara berterusan tanpa henti bertujuan memutuskan rantai kesalahan, termasuk bersama agensi penguatkuasa yang lain dan tindakan tegas akan dikenakan kepada majikan serta PATI yang ditangkap dalam operasi ini. Sebanyak 38,513 operasi telah dijalankan dari tahun 2016 sehingga bulan September 2018 dan melalui operasi tersebut, sejumlah 132,042 orang PATI dan 3,742 orang majikan telah ditangkap di bawah pelbagai kesalahan imigresen.

Majikan yang dikesan menggaji PATI boleh diambil tindakan undang-undang di bawah Akta Imigresen 1959/63 di mana majikan akan didakwa di bawah empat kesalahan utama iaitu di bawah Seksyen 55A untuk membawa masuk PATI secara tidak sah ke dalam negara, Seksyen 55B untuk menggaji PATI yang mengenakan hukuman denda tidak kurang RM 10,000 tetapi tidak lebih RM 50,000 atau penjara tidak lebih 12 bulan atau kedua-duanya bagi setiap orang yang diambil bekerja, Seksyen 55E untuk membenarkan PATI masuk dan tinggal di premis dan Seksyen 56 (1) (d) untuk kesalahan melindungi PATI. Di samping itu, majikan juga boleh didakwa di bawah Akta Anti Pemerdagangan Orang Dan Penyeludupan Migran 2007(Pindaan 2010) (ATIPSOM).

Selain itu, sehingga 30 Ogos 2018, mana-mana PATI boleh menyerah diri secara sukarela ke JIM dan kembali ke negara asal mereka melalui Program Penghantaran Pulang PATI Secara Sukarela (Program 3+1). Melalui program tersebut, mana-mana PATI yang menyerah diri secara sukarela akan dikenakan kompaun sebanyak RM300 dan bayaran Pas Khas sebanyak RM100 serta dikecualikan pendakwaan untuk kesalahan di bawah Akta Imigresen 1959/63 (Akta 155) dan Peraturan-Peraturan Imigresen. Mereka juga akan disenarai hitam daripada memasuki negara untuk tempoh lima tahun dan diambil rekod biometrik untuk rujukan JIM. Statistik terkumpul oleh JIM menunjukkan seramai 874,480 orang PATI

telah pulang ke negara asal melalui Program 3+1 sejak tahun 2016 sehingga bulan 30 Ogos 2018.

Sebagai langkah mengesan PATI, mengenalpasti lokaliti dan pekerjaan PATI di dalam Negara, Kerajaan telah melaksanakan pemeriksaan dan risikan berdasarkan aduan yang diterima daripada orang awam dari pelbagai sumber seperti e-mel, surat, telefon, sistem pesanan ringkas dan aduan melalui kaunter imigresen termasuk isu-isu yang berkaitan PATI yang tular di media sosial. Ibu Pejabat dan Pejabat Imigresen Negeri yang menerima sebarang aduan akan menjalankan operasi penguatkuasaan dengan mengambil kira aspek perancangan, faktor risiko dan pematuhan kepada *Standard Operating Procedures* (SOP) seperti yang telah ditetapkan.

Kerajaan juga telah melaksanakan beberapa langkah pencegahan dan kawalan seperti berikut:

- a) Memperketat kawalan dan pemeriksaan di pintu-pintu masuk negara;
- b) Menasihatkan pelawat-pelawat asing ke negara ini agar mempunyai tiket pulang ke negara asal mereka (*return ticket*) di samping menasihatkan mereka agar mempunyai sumber kewangan yang mencukupi untuk menyara diri sepanjang masa berada di negara ini;
- c) Mempertingkatkan pengawasan di sepanjang pesisiran perairan negara, iaitu kawasan-kawasan yang telah dikenal pasti sebagai tempat pendaratan dan kemasukan PATI dengan kerjasama Pasukan Gerakan Marin Polis DiRaja Malaysia (PDRM), Tentera Laut Diraja Malaysia (TLDM) dan Agensi Penguatkuasaan Maritim Malaysia (APMM);
- d) Memperkasa usaha-usaha risikan, pemantauan dan penguatkuasaan bagi menyekat penyeludupan manusia di sempadan darat negara. Ia dijalankan dengan kerjasama PDRM, Agensi Kawalan Sempadan Malaysia (AKSEM) dan Pasukan Gerak Am (PGA);

- e) Memperketat syarat pengeluaran visa kepada warganegara asing yang memerlukan visa untuk masuk dan berada di Malaysia. Dalam hubungan ini, JIM telah memperkenalkan reka bentuk *Malaysia Visa* dan *Malaysia Pass* pada 2 Oktober 2018 dengan ciri-ciri keselamatan yang terkini dan komprehensif dengan kepelbagaian kaedah perlindungan keselamatan melalui perkembangan dan kemajuan teknologi yang pesan dan mampan bagi menangani isu penyalahgunaan dan pemalsuan dokumen;
- f) Membuat naziran ke premis-premis yang terdapat warganegara asing, seperti kawasan luar bandar, kawasan bandar dan premis majikan yang menggaji pekerja asing serta institusi pengajian yang mengambil pelajar antarabangsa serta warga asing yang menjadi pasangan warganegara (perkahwinan antara warga asing dengan warga tempatan).

Kesimpulannya, Kerajaan sentiasa komited dalam memastikan keselamatan negara diutamakan dengan melaksanakan operasi penguatkuasaan bersepadu secara berterusan bagi mengelakkan berlakunya peningkatan dalam jumlah PATI di negara ini.

PEMBERITAHUAN PERTANYAAN MESYUARAT KEDUA,
PENGGAL PERTAMA, PARLIMEN KEEMPAT BELAS,
MAJLIS MESYUARAT DEWAN RAKYAT

PERTANYAAN : LISAN

DARIPADA : TUAN SABRI BIN AZIT (JERAI)

TARIKH : 19 NOV 2018 (ISNIN)

SOALAN:

Minta **MENTERI PERTAHANAN** menyatakan adakah benar dakwaan berlakunya penswastan lebih 40,000 hektar tanah Angkatan Tentera Malaysia (ATM) di seluruh negara kepada sebuah syarikat milik tiga individu pada zaman pemerintahan Kerajaan Barisan Nasional.

JAWAPAN

Tuan Yang di-Pertua,

Kementerian menafikan dakwaan bahawa terdapatnya penswastan sebanyak 40,000 hektar tanah Angkatan Tentera Malaysia (ATM) di seluruh negara kepada sebuah syarikat milik tiga individu.

Secara keseluruhannya hanya terdapat 21 projek penswastan yang melibatkan tanah-tanah kegunaan Kementerian Pertahanan seluas 4,983.1 ekar (2,016.6 hektar). Daripada jumlah ini, sebanyak 2,210.6 ekar (894.6 hektar) tanah telah ditukarmilik kepada syarikat dimana sebanyak 1,768.1 ekar (715.5 hektar) melibatkan projek penswastan secara *landswap* manakala sebanyak 442.5 ekar (179.1 hektar) melibatkan penjualan tanah secara *Outright Sale Purchase*. 21 buah projek penswastan tersebut melibatkan syarikat-syarikat dan pemilik yang berlainan dan tidak tertumpu kepada hanya syarikat milik tiga orang individu sahaja.

**PEMBERITAHUAN PERTANYAAN JAWAB LISAN DEWAN RAKYAT
MESYUARAT KEDUA, PENGGAL PERTAMA,
PARLIMEN KEEMPATBELAS**

PERTANYAAN : JAWAB LISAN

**DARIPADA : TUAN KARUPAIYA A/L MUTUSAMI
[PADANG SERAI]**

TARIKH : 19 NOVEMBER 2018

SOALAN : 38

**Tuan Karupaiya A/L Mutusami [Padang Serai] minta MENTERI
DALAM NEGERI** menyatakan apakah Kerajaan akan menggubal satu undang-undang yang ketat bagi peminum-peminum arak yang menimbulkan kekacauan seperti pegaduhan dan juga akibat dan meminum arak berlebihan boleh menyebabkan keruntuhan institusi keluarga seperti penceraian dan sebagainya

JAWAPAN

Tuan Yang Di-Pertua,

Kesalahan berkaitan pemabuk dan berkelakuan tidak senonoh di tempat awam boleh di ambil tindakan di bawah seksyen 21 Akta Kesalahan Kecil 1955 (Akta 336) yang boleh di jatuhkan hukuman denda RM 25 atau hukuman penjara tidak melebihi 14 hari dan bagi kesalahan berulang boleh di jatuhkan hukuman denda RM 100 atau hukuman penjara tidak melebihi 3 bulan.

Kementerian Dalam Negeri telah pun membuat kajian untuk membuat pindaan terhadap undang-undang ini pada bulan Ogos 2017 yang lalu . Skop kajian yang di buat meliputi :

- i) Memansuhkan kesalahan-kesalahan yang tidak lagi relevan ketika ini.
- ii) Menaikkan jumlah hukuman denda dan penjara bagi kesalahan-kesalahan.
- iii) Memasukkan seksyen-seksyen baru atas kesalahan yang dikenal pasti.

Kajian pindaan telah pun dimajukan kepada pihak Jabatan Peguam Negara untuk semakan selanjut nya termasuk cadangan untuk menaikkan jumlah denda dan hukuman penjara bagi kesalahan kepada peminum arak yang menimbulkan kekacauan dan berkelakuan tidak senonoh di tempat awam.

Akta Kesalahan kecil 1955 (Akta 336)

Drunkenness and disorderly behaviour in public places

21. Any person who is found drunk and incapable of taking care of himself, or is guilty of any riotous, disorderly or indecent behaviour, or of persistently soliciting or importuning for immoral purposes in any public road or in any public place or place of public amusement or resort, or in the immediate vicinity of any Court or of any public office or police station or place of worship, shall be liable to a fine not exceeding twenty-five ringgit or to imprisonment for a term not exceeding fourteen days, and on a second or subsequent conviction to a fine not exceeding one hundred ringgit or to imprisonment for a term not exceeding three months or to both.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL PERTAMA,
PARLIMEN KEEMPAT BELAS**

**PERTANYAAN : LISAN
DARIPADA : DATO' ROSOL BIN WAHID
[HULU TERENGGANU]
TARIKH : 19 NOVEMBER 2018 (ISNIN)**

SOALAN NO. 39

Minta **MENTERI KESIHATAN** menyatakan langkah-langkah yang telah diambil bagi memastikan semua produk-produk kegunaan orang awam adalah selamat agar kejadian kematian akibat keracunan alkohol tidak berulang.

JAWAPAN

Yang di-Pertua,

Kementerian Kesihatan Malaysia (KKM) sentiasa memantau makanan di pasaran tempatan dan yang diimport bagi memastikan makanan yang dikeluarkan dan dijual di Malaysia adalah selamat dan mematuhi kehendak Akta Makanan 1983 dan Peraturan-Peraturan Makanan 1985.

Sistem kawalan keselamatan makanan negara, dipertingkatkan dengan menjalankan pemeriksaan di setiap peringkat rantai bekalan makanan meliputi sumber bahan mentah, premis pemprosesan, pusat pengedaran, kenderaan pengangkutan dan premis jualan.

Dari tahun 2016 sehingga Ogos 2018, sejumlah 335,772 pemeriksaan ke atas premis makanan yang meliputi premis pemprosesan, pusat pengedaran, kenderaan pengangkutan dan premis jualan telah dijalankan di mana 5,805 (1.7%) daripadanya telah dikenakan tindakan penutupan di bawah Seksyen 11, Akta Makanan 1983 kerana didapati tidak bersih. Di samping itu, sejumlah 43,210 notis 32B, Akta Makanan 1983 juga telah dikeluarkan atas pelbagai kesalahan di bawah Peraturan-Peraturan Kebersihan Makanan 2009.

Hasil pemantauan yang dijalankan bagi makanan yang dijual di pasaran domestik sepanjang tahun 2016 sehingga Ogos 2018 mendapati 2,877 (3.3%) daripada sejumlah 86,003 sampel makanan telah melanggar peruntukan di bawah Akta Makanan 1983 dan Peraturan-Peraturan Makanan 1985.

Sementara bagi aktiviti pemantauan terhadap makanan yang diimport masuk ke negara ini pula dari tahun 2016 sehingga Ogos 2018, sejumlah 347,777 konsainmen makanan diperiksa di mana 46,512 (13.37%) sampel makanan diambil untuk dianalisis. Daripada jumlah sampel yang diambil, 253 (0.54%) sampel makanan didapati melanggar Akta Makanan 1983 dan Peraturan-Peraturan Makanan 1985.

Dalam hal ini, sejumlah 193 tindakan pendakwaan berhubung makanan yang tidak mematuhi Akta Makanan 1983 dan Peraturan-Peraturan Makanan 1985 dari tahun 2016 sehingga Ogos 2018, telah selesai dibicarakan dan dijatuhkan hukuman denda berjumlah RM461,724.00.

Bagi memantapkan lagi pelaksanaan kawalan keselamatan makanan di negara ini, aktiviti promosi, taklimat, seminar, khidmat nasihat, bimbingan dan pendidikan dilaksanakan secara berterusan bagi meningkatkan tahap kesedaran dan tanggungjawab industri makanan dalam menghasilkan makanan yang selamat kepada pengguna. Bahan-bahan promosi keselamatan makanan turut dipaparkan di laman web <http://fsq.moh.gov.my>.

Yang di-Pertua,

Berkaitan dengan langkah kawalan yang telah diambil bagi memastikan kejadian kematian akibat keracunan alkohol tidak berulang, KKM telah menguatkuasakan Peraturan 361 mengenai standard am bagi minuman beralkohol dan peraturan baru 386A mengenai Sebatian Minuman Keras (*Compounded Hard Liquor* atau CHL) di bawah Peraturan-Peraturan Makanan 1985, Akta Makanan 1983.

Penguatkuasaan tersebut adalah termasuk larangan penjualan minuman beralkohol kepada mereka yang berumur bawah 21 tahun, keperluan pengasingan minuman beralkohol dengan makanan-makanan yang lain, mewajibkan pernyataan amaran "Meminum Arak Boleh Membahayakan Kesihatan pada setiap pembungkusan minuman beralkohol dan juga keperluan papan tanda amaran di kaunter jualan.

Sehingga 14 November 2018, sejumlah 3,309 buah premis yang menjual minuman beralkohol telah diperiksa di mana 38,777 botol minuman beralkohol yang bernilai RM790,624.44 telah disita dan sejumlah 129 notis kompaun telah dikeluarkan kerana tidak mematuhi Akta Makanan 1983 dan Peraturan-Peraturan Makanan 1985.

NO SOALAN: 39

Di samping itu, penguatkuasaan perundangan berkaitan dengan minuman beralkohol juga dilaksanakan oleh agensi-agensi lain di bawah bidang kuasa masing-masing seperti :

- i) Jabatan Kastam Diraja Malaysia di bawah Akta Kastam 1967 (Akta 235) dan Akta Eksais 1976 (Akta 176) serta peraturan yang dibuat di bawahnya; dan
- ii) Pihak Berkuasa Tempatan (PBT) melalui Lembaga Pelesenan Arak yang mengawalselia pelesenan penjualan arak.

PEMBERITAHUAN PERTANYAAN
MESYUARAT KEDUA, PENGGAL PERTAMA,
PARLIMEN KEEMPAT BELAS,
DEWAN RAKYAT

PERTANYAAN : LISAN

DARIPADA : DATUK WILSON UGAK ANAK KUMBONG
[HULU RAJANG]

TARIKH : 19 NOVEMBER 2018

SOALAN : 40

Datuk Wilson Ugak Anak Kumbong [Hulu Rajang] minta **PERDANA MENTERI** menyatakan jumlah penjawat-penjawat awam di peringkat Kerajaan Persekutuan mengikut jawatan dan gred gaji yang berasal dari Sarawak.

JAWAPAN: YB TUAN MOHAMED HANIPA BIN MAIDIN

TIMBALAN MENTERI DI JABATAN PERDANA MENTERI

Tuan Yang di-Pertua,

Untuk makluman Ahli Yang Berhormat, sehingga 3 Oktober 2018, jumlah penjawat awam di peringkat Kerajaan Persekutuan yang berasal dari Sarawak adalah **seramai 95,357 pegawai**. Daripada jumlah tersebut, **sebanyak 0.1% atau 84 pegawai di Jawatan Utama Sektor Awam (JUSA), 36.8% atau 35,122 pegawai mengisi jawatan dalam Kumpulan Pengurusan dan Profesional di Gred 41 hingga Gred 54 dan 63.1% atau 60,151 pegawai mengisi jawatan dalam Kumpulan Pelaksana di gred 11 hingga gred 40.**

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL PERTAMA,
PARLIMEN KEEMPAT BELAS**

PERTANYAAN : LISAN
DARIPADA : Y.B. DATUK SERI HAJI AHMAD BIN HAMZAH
[JASIN]
TARIKH : 19 NOVEMBER 2018 (ISNIN)

SOALAN NO. 41

Y.B. DATUK SERI HAJI AHMAD BIN HAMZAH [JASIN] minta **MENTERI KEWANGAN** menyatakan impak kejatuhan nilai mata wang Turki dan Argentina ke atas pasaran ekonomi membangun amnya dan Malaysia khasnya serta usaha- usaha untuk melindungi negara daripada kesan tersebut.

JAWAPAN

Tuan Yang di-Pertua,

1. Perang perdagangan antara Amerika Syarikat dan China serta normalisasi kadar faedah Amerika Syarikat telah menyebabkan aliran modal keluar daripada pasaran baharu muncul kembali ke Amerika Syarikat. Negara yang mempunyai defisit berkembar iaitu defisit akaun semasa dan defisit fiskal adalah yang paling terjejas. Justeru, nilai mata wang peso Argentina telah menyusut 47.6 peratus pada tahun ini berbanding dolar AS setakat 12 November 2018. Lira Turki dan rupiah Indonesia telah masing-masing menyusut 30.5 peratus dan 8.5 peratus.

2. Sebagai sebuah ekonomi membangun, Malaysia tidak dapat mengelak daripada aliran keluar modal asing. Walaupun berhadapan dengan tekanan, mata wang ringgit terus disokong oleh lebihan akaun semasa dan keyakinan terhadap ekonomi Malaysia. Selaras dengan faktor ini, prestasi ringgit adalah yang terbaik di kalangan pasaran baharu muncul pada tahun ini sehingga 12 November 2018. Ringgit telah meningkat sebanyak 9.9 peratus berbanding dengan rupee India, 5.6 peratus berbanding rupiah Indonesia, 3.6 peratus berbanding renminbi China, 3.3 peratus berbanding dengan peso Filipina dan 0.2 peratus berbanding dolar Singapura.

3. Kadar pertukaran ringgit yang fleksibel telah memainkan peranan penting sebagai penyerap kejutan luaran tanpa menjejaskan aktiviti ekonomi domestik. Namun, volatiliti ringgit yang ketara boleh menjejaskan aktiviti ekonomi berikutan kesukaran sektor perniagaan dan perindustrian merancang strategi dan mengambil keputusan yang wajar. Oleh itu, Kerajaan akan sentiasa memastikan keadaan pasaran kewangan lebih lancar dan mengambil langkah proaktif dengan memperkenalkan langkah untuk memastikan kecairan yang mencukupi, pasaran yang berdaya tahan dan mengurangkan aktiviti spekulasi dalam pasaran.

4. Dalam jangka masa panjang, nilai ringgit serta prestasi perdagangan dan

pelaburan negara akan didorong terutamanya oleh asas ekonomi negara yang kukuh. Sehubungan itu, Kerajaan telah dan akan sentiasa mengambil langkah untuk meningkatkan daya tahan ekonomi dengan mempelbagaikan sumber ekonomi, memperkukuh daya saing ekonomi dan kedudukan fiskal negara. Antara langkah utama yang telah dibentangkan semasa Belanjawan 2019 termasuk:

- memperkukuh pengurusan fiskal Kerajaan;
- meningkatkan hasil Kerajaan melalui *leverage* aset Kerajaan dan menyemak semula dasar percukaian;
- merangsang pelaburan dalam industri berteknologi tinggi;
- mempermudah lagi urusan perniagaan di Malaysia khususnya melalui penambahbaikan proses perdagangan dan pentadbiran cukai;
- memperkukuh perusahaan kecil dan sederhana (PKS);
- mempergiat industri pelancongan; dan
- menggalakkan usahawan terlibat dalam ekonomi digital.

Tuan Yang di-Pertua,

5. Prospek ekonomi negara dijangka kekal menggalakkan bagi tahun 2018 dan 2019 terutamanya disokong oleh permintaan domestik yang kukuh. Di samping itu, pertumbuhan ekonomi dan perdagangan global yang stabil, permintaan terhadap E&E yang terus berkembang serta kenaikan harga minyak dijangka menyokong pertumbuhan eksport. Eksport negara telah berkembang 6.3 peratus kepada RM733.6 bilion dalam tempoh sembilan bulan pertama manakala import meningkat 4.7 peratus kepada RM647.9 bilion. Lebihan dagangan bagi tempoh ini meningkat 20.4 peratus kepada RM85.7 bilion berbanding tempoh yang sama tahun lalu. Lebihan dagangan ini merupakan lebihan dagangan yang ke-251 bulan berturut-turut sejak November 1997. Kepelbagaian produk dan pasaran terus menyokong prestasi perdagangan Malaysia. Pada masa sama, asas ekonomi kekal kukuh termasuk pasaran buruh yang stabil dengan guna tenaga penuh; kadar inflasi yang rendah; rizab antarabangsa yang kekal tinggi; dan sistem kewangan yang kukuh akan terus

menyokong aktiviti ekonomi.

6. Fokus dan penekanan Kerajaan adalah ke arah FDI berkualiti tinggi yang membolehkan syarikat tempatan mendapat akses kepada pemindahan teknologi serta pertukaran pengetahuan bagi pembangunan kemampuan mereka serta menjadi sebahagian daripada rantai bekalan global. Strategi ini juga memberi sumbangan kepada eksport dan sekaligus menyumbang ke arah perkembangan KDNK dan mampu menjana peluang pekerjaan yang baik kepada rakyat tempatan.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL PERTAMA,
PARLIMEN KEEMPAT BELAS**

PERTANYAAN : LISAN
DARIPADA : Y.B. DATUK HAJI JALALUDDIN BIN HAJI ALIAS
[JELEBU]
TARIKH : 19 NOVEMBER 2018 (ISNIN)

SOALAN NO. 42

Y.B. DATUK HAJI JALALUDDIN BIN HAJI ALIAS [JELEBU] minta **MENTERI KEWANGAN** menyatakan langkah spesifik yang akan diambil oleh Kementerian dalam memastikan nilai mata wang Ringgit tidak terus menyusut sekali gus memberi kesan kepada kadar inflasi negara.

JAWAPAN

Tuan Yang di-Pertua,

1. Sehingga 12 November 2018, nilai ringgit telah menyusut sebanyak 3.4 peratus manakala nilai mata wang serantau yang lain telah menyusut sebanyak 1.7 peratus hingga 8.5 peratus berbanding Dolar Amerika. Walau bagaimanapun, berbanding dengan mata wang serantau, prestasi ringgit adalah lebih stabil. Ringgit telah menambah nilai sebanyak 0.2% berbanding dolar Singapura, 3.3 peratus berbanding Peso Filipina dan 5.6 peratus berbanding Rupiah Indonesia bagi tempoh yang sama.

2. Faktor utama kejatuhan nilai ringgit serta mata wang serantau kebelakangan ini adalah akibat aliran keluar dana asing yang didorong oleh faktor-faktor luaran, antaranya:

- ketidakstabilan pasaran dunia akibat risiko perang perdagangan (trade war) antara Amerika Syarikat dan China;
- kenaikan kadar faedah oleh bank pusat Amerika Syarikat menyebabkan pelabur menilai dan mengimbangi semula kedudukan portfolio mereka dalam pasaran kewangan “ekonomi sedang pesat membangun” (emerging economies); dan
- kebimbangan mengenai risiko kesan penularan (contagion effect) dalam kalangan mata wang ekonomi sedang pesat membangun berikutan kejatuhan ketara Peso Argentina dan Lira Turki, yang telah menyusut nilai sebanyak 47.6 peratus dan 30.5 peratus masing-masing berbanding dengan dolar Amerika sehingga 12 November 2018.

Tuan Yang di-Pertua,

3. Dalam keadaan pasaran kewangan global yang tidak menentu ini, kadar pertukaran ringgit yang fleksibel telah memainkan peranan yang penting

sebagai penyerap kejutan luaran tanpa menjejaskan aktiviti ekonomi domestik. Namun begitu, volatiliti ringgit yang ketara boleh menjejaskan aktiviti ekonomi berikutan kesukaran sektor perniagaan dan perindustrian merancang strategi dan mengambil keputusan yang wajar. Oleh itu, Kerajaan akan sentiasa memastikan keadaan pasaran kewangan lebih lancar dan mengambil langkah proaktif dengan memperkenalkan langkah-langkah untuk memastikan kecairan yang mencukupi, pasaran yang berdaya tahan dan mengurangkan aktiviti spekulasi dalam pasaran.

4. Antara langkah-langkah tersebut adalah penetapan syarat supaya sebahagian besar hasil eksport dalam mata wang asing ditukar kepada ringgit. Langkah ini bertujuan menambahkan mudah tunai wang asing dalam pasaran dalam negeri dan peningkatan penguatkuasaan ke atas peraturan tukaran asing sedia ada bagi mencegah mata wang ringgit diniagakan di luar pesisir bagi mengekang aktiviti spekulasi.

5. Liberalisasi progresif peraturan pentadbiran tukaran asing juga menghasilkan lebih banyak rizab yang tidak berpusat. Perkara ini dicerminkan dalam peningkatan pemerolehan aset di luar negara oleh bank dan korporat pemastautin. Secara khususnya, bank dan korporat pemastautin memegang tiga perempat daripada aset luar negeri Malaysia yang boleh digunakan untuk memenuhi obligasi hutang luar negeri tanpa membuat sebarang tuntutan ke atas rizab antarabangsa BNM.

Tuan Yang di-Pertua,

6. Kesan kejatuhan nilai mata wang ringgit terhadap inflasi keseluruhan pada sembilan bulan pertama 2018 juga kekal rendah, memandangkan harga bahan api yang diimport telah ditetapkan sejak akhir Mac 2018. Di samping itu, barangan import lain hanya mencakupi sebahagian kecil daripada penggunaan dalam negeri. Sebagai contoh, bahan mentah dan bahan pengantara yang diimport hanya mencakupi sekitar 20% daripada jumlah pengeluaran produk dalam Indeks Harga Pengguna Malaysia (IHP). Tidak termasuk bahan api, import barangan siap pula mencakupi 7% daripada bakul IHP.

7. Dalam jangka masa panjang, nilai ringgit akan didorong terutamanya oleh kekuatan asas ekonomi negara. Sehubungan itu, Malaysia perlu menumpukan usaha untuk meningkatkan daya tahan ekonomi dengan mempelbagaikan sumber ekonomi, memperkukuh daya saing ekonomi dan kedudukan fiskal negara. Paras rizab antarabangsa BNM pula dijangka akan disokong dengan pemulihan kestabilan pasaran dunia, penambahbaikan sentimen pelabur dan lebih akaun semasa negara yang kekal positif. Dengan ini, prestasi ringgit, rizab negara dan pasaran modal akan terus meningkat seiring dengan pengukuhan asas ekonomi negara dan pasaran kewangan global.

SOALAN NO : 43

**MESYUARAT KEDUA, PENGGAL PERTAMA
PARLIMEN KEEMPAT BELAS
PEMBERITAHUAN PERTANYAAN
DEWAN RAKYAT MALAYSIA**

PERTANYAAN : LISAN

DARIPADA : YB DATUK ABD RAHIM BIN BAKRI

KAWASAN : KUDAT

TARIKH : 19 NOVEMBER 2018, ISNIN

SOALAN :

YB DATUK ABD RAHIM BIN BAKRI minta **MENTERI KERJA RAYA** menyatakan bilakah proses tawaran kerja akan dibuat untuk lima fasa berikutnya bagi jalan Pan Borneo Coastal Highway dari Tuaran ke Kudat memandangkan projek ini amat diperlukan bagi memacu sektor pelancongan dan ekonomi penduduk di sepanjang jalan tersebut.

JAWAPAN :

Tuan Yang Di-Pertua,

Sebagaimana Ahli Yang Berhormat sedia maklum, pelaksanaan projek Lebuhraya Pan Borneo di Sabah bagi jajaran Tuaran – Kudat dibahagikan kepada 6 pakej projek dengan anggaran panjang jalan sejauh 123 km. Satu pakej kerja daripadanya telah dibuat pelantikan kontraktor, iaitu pakej kerja 10 dari Pituru ke Rampayan Laut dan kini di peringkat kerja awalan. Manakala baki lagi 5 pakej kerja masih belum dibuat pelantikan kontraktor dan tertakluk kepada keputusan muktamad hala tuju keseluruhan projek oleh Kementerian Kewangan.

Sekian, terima kasih.

PEMBERITAHUAN PERTANYAAN BAGI JAWAPAN LISAN
MESYUARAT KEDUA, PENGGAL PERTAMA, PARLIMEN KE-14,
MAJLIS MESYUARAT DEWAN RAKYAT

PERTANYAAN : LISAN
DARIPADA : DATUK SERI SARAVANAN [TAPAH]
TARIKH : 19 NOVEMBER 2018 (ISNIN)
SOALAN :

Datuk Seri Saravanan [Tapah] minta **PERDANA MENTERI** menyatakan:

Dalam jangka masa 100 hari dan 5 tahun akan datang apakah sasaran Kerajaan Pakatan Harapan dalam mempermudah proses mendapatkan lesen dan permit perniagaan dalam sektor perkhidmatan yang banyak disertai oleh kaum India, seperti sektor pengangkutan, logistik dan pusat kitar semula.

JAWAPAN: YB SEN. WAYTHA MOORTHY A/L PONNUSAMY
MENTERI DI JABATAN PERDANA MENTERI

Tuan Yang di-Pertua,

Seperti mana Ahli Berhormat sedia maklum,

Sehingga hari ini, hasil daripada sokongan dan mandat rakyat Malaysia dalam Pilihan Raya Umum ke-14, Pakatan Harapan telah memerintah negara ini selama lebih kurang 200 hari. Memang tidak dinafikan bahawa terdapat pelbagai cabaran yang perlu ditempuhi oleh anggota pentadbiran Kerajaan Persekutuan termasuk diri saya semenjak memegang jawatan Menteri di Jabatan Perdana Menteri bermula 17 Julai 2018. Antaranya cabaran utama yang dihadapi oleh Kerajaan pada hari ini termasuklah memperbetulkan kepincangan yang disebabkan oleh Kerajaan yang lepas.

Hasrat murni Kerajaan dalam meningkatkan status sosioekonomi masyarakat India memang terserlah dalam Manifesto Pakatan Harapan (PH). SEDIC akan terus memastikan masyarakat India dibantu dalam semua sektor yang disertai kaum India. Ini termasuklah sektor perkhidmatan, pengangkutan, logistik dan lain-lain sektor yang berkaitan.

Kerajaan akan menjadi pemudah cara kepada seluruh rakyat Malaysia dan ini termasuklah masyarakat India yang ingin mendapatkan lesen dan permit perniagaan dalam sektor pengangkutan, logistik dan pusat kitar semula. Kerajaan akan membantu memudah cara pihak yang memohon supaya mematuhi segala tatacara dan prosedur permohonan tersebut.

Sekian, terima kasih.

**MESYUARAT KEDUA, PENGGAL PERTAMA,
PARLIMEN KEEMPAT BELAS
PEMBERITAHUAN PERTANYAAN
DEWAN RAKYAT MALAYSIA**

PERTANYAAN : JAWAB LISAN

**DARIPADA : DATUK DR. JEFFREY GAPARI
KITINGAN [KENINGAU]**

TARIKH : 19 NOVEMBER 2018 (ISNIN)

SOALAN : 45

minta **MENTERI PEMBANGUNAN LUAR BANDAR** menyatakan apakah rancangan dan inisiatif Kementerian yang akan diambil untuk pembangunan luar bandar di Sabah dan Sarawak khasnya dari segi infrastruktur, jalan kampung yang berturap, jambatan dan jambatan gantung, bekalan air bersih yang terawat termasuk melalui hidro mini dan kecil, bekalan elektrik dan kemudahan-kemudahan asas yang lain. Di pedalaman Sabah, lebih dari 95% jalan kampung tidak diturap dan berlumpur semasa musim hujan, lebih dari 70% tiada bekalan air bersih yang terawat, banyak jambatan yang daif dan diperbuat dengan balak, banyak jambatan gantung yang memerlukan pembaikan dengan segera dan masih banyak yang tiada bekalan elektrik dimana pelajar terpaksa membaca tanpa lampu elektrik atau tidak berpeluang membaca dan menyediakan kerja-kerja sekolah dalam kegelapan. Salah satu punca adalah Kerajaan Sabah tidak mempunyai dana dan hasil yang mencukupi sebab hasil-hasil dan royalti minyak yang berhak diterima negeri Sabah mengikut Perlembagaan Persekutuan tidak ditunaikan dan tidak dibayar balik oleh Kerajaan Persekutuan.

JAWAPAN

Tuan Yang Di-Pertua,

Untuk makluman Yang Berhormat, bagi Rancangan Malaysia Kesebelas (RMKe-11), anggaran siling yang diluluskan bagi bekalan air terawat, bekalan elektrik dan jalan luar bandar serta kemudahan-kemudahan asas yang lain di negeri Sabah adalah sebanyak RM7.24 billion dengan pecahan seperti berikut:-

BIL.	PROGRAM	PERUNTUKAN RMKE-11 (2016-2020)
i.	Jalan Perhubungan Desa (JPD)	RM270 juta
ii.	Program Ameniti Sosial (PAMS)	RM54 juta
iii.	Bekalan Air Luar Bandar (BALB)	RM2.4 billion
iv.	Bekalan Elektrik Luar Bandar (BELB)	RM1.8 billion

Manakala bagi projek Jalan Luar Bandar (JALB) pula, Kerajaan telah memperuntukkan siling sejumlah RM2.75 billion dari tahun 2016 hingga 2018 bagi pelaksanaan projek JALB di negeri Sabah.

Manakala bagi tahun 2018, sebanyak RM663 juta telah diperuntukkan bagi pembangunan infrastruktur luar bandar Negeri Sabah. Pecahan peruntukan adalah seperti berikut:

BIL.	PROGRAM	PERUNTUKAN TAHUN 2018
i.	Jalan Perhubungan Desa (JPD)	RM 50 juta
ii.	Program Ameniti Sosial (PAMS)	RM13 juta
iii.	Bekalan Air Luar Bandar (BALB)	RM74.8 juta
iv.	Bekalan Elektrik Luar Bandar (BELB)	RM238.3 juta
v.	Jalan Luar Bandar (JALB)	RM287.2 juta
	JUMLAH	RM663.3 juta

Untuk makluman Yang Berhormat juga, Kementerian sentiasa bekerjasama dengan Kerajaan Negeri bagi memastikan setiap penduduk mendapat bekalan air terawat, bekalan elektrik 24 jam dan juga akses jalan luar bandar. Senarai keutamaan bagi pelaksanaan projek pada setiap tahun juga adalah berdasarkan kepada senarai keutamaan yang diberikan oleh Kerajaan Negeri terlibat.

Senarai keutamaan ini kemudiannya akan dikemukakan kepada Unit Perancang Ekonomi untuk disemak dan diluluskan. Hanya projek–projek yang telah diperakukan dan diluluskan oleh Unit Perancang Ekonomi sahaja akan dilaksanakan dengan mengambil kira kedudukan kewangan semasa negara.

Selain dari itu, Kementerian juga sentiasa mengadakan sesi libat urus (engagement) dengan pihak Kerajaan negeri bagi tujuan penyelarasan projek pembangunan infrastruktur luar bandar melalui Mesyuarat Exco Luar Bandar (MEXCLUB) yang diadakan dua (2) kali setahun serta mesyuarat pelaksanaan projek yang melibatkan Unit Perancang Ekonomi Negeri (UPEN), Kementerian Pembangunan Infrastruktur Sabah (KPI), Kementerian Pembangunan Luar Bandar Sabah (KPLB), Jabatan Kerja Raya (JKR) Negeri Sabah, Jabatan Air Negeri Sabah (JANS), Sabah Electricity Sdn. Bhd. (SESB) dan juga Pejabat Daerah dalam perancangan pelaksanaan projek.

Untuk makluman Yang Berhormat juga, pelaksanaan projek Bekalan Elektrik Luar Bandar (BELB) terutamanya di negeri Sabah pada masa kini adalah melibatkan kampung-kampung yang terletak jauh di kawasan pedalaman. Bagi membolehkan bekalan elektrik dapat disambung di kawasan-kawasan tersebut, satu punca bekalan (*Transmission line*) perlu dibina terlebih dahulu sebelum dapat disambung ke rumah-rumah terlibat bagi membolehkan talian dapat disambung secara grid. Kementerian juga sedang melaksanakan projek BELB secara sistem alternatif (solar hibrid dan mikro hidro) bagi kawasan-kawasan yang mempunyai kepadatan penduduk yang tinggi di kawasan pedalaman dan tidak boleh dibekalkan melalui punca bekalan talian grid bagi membolehkan setiap penduduk mendapat bekalan elektrik selama 24 jam.

PEMBERITAHUAN PERTANYAAN
MESYUARAT KEDUA, PENGGAL PERTAMA
PARLIMEN KEEMPAT BELAS (2018)
DEWAN RAKYAT

PERTANYAAN : LISAN

DARIPADA : YB TUAN HAJI HASANUDDIN BIN MOHD YUNUS [HULU LANGAT]

TARIKH : 19 NOVEMBER 2018 (ISNIN)

SOALAN:

Tuan Haji Hasanuddin bin Mohd Yunus [Hulu Langat] minta **PERDANA MENTERI** menyatakan apakah mekanisme pihak kerajaan dalam berdepan dengan golongan intra religion (fahaman syiah dan lain-lain).

**JAWAPAN : (YB DATUK SERI DR MUJAHID YUSOF,
MENTERI DI JABATAN PERDANA MENTERI)**

Tuan Yang Di-Pertua,

Sebagaimana Ahli Yang Berhormat sedia maklum, Ahli Sunnah wal-Jamaah adalah pegangan umat Islam di negara ini. Ia selaras dengan keputusan Muzakarah khas Jawatankuasa Fatwa Majlis Kebangsaan Bagi Hal Ehwal Ugama Islam Malaysia yang bersidang pada 5 Mei 1996 bahawa umat Islam di Malaysia hendaklah hanya mengikut ajaran Islam yang berasaskan pegangan Ahli Sunnah wal-Jamaah dari segi akidah, syariah dan akhlak.

Pengawalan berhubung ajaran agama Islam adalah tertakluk di bawah Akta/ Enakmen Kesalahan Jenayah Syariah yang diperuntukkan di negeri-negeri di bawah Jadual Kesembilan, Senarai II - Senarai Negeri, Perlembagaan Persekutuan.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL PERTAMA,
PARLIMEN KEEMPAT BELAS**

PERTANYAAN : LISAN
DARIPADA : Y.B. TUAN LIM LIP ENG [KEPONG]
TARIKH : 19 NOVEMBER 2018 (ISNIN)

SOALAN NO. 47

Y.B. TUAN LIM LIP ENG [KEPONG] minta **MENTERI KEWANGAN** menyatakan tindakan ke atas keterangan bohong yang telah diberikan oleh Tan Theng Hooi daripada Syarikat Deloitte Malaysia dalam siasatan Jawatankuasa Kira-Kira Wang Negara pada bulan Jun 2016 di mana beliau mempertahankan pengauditan 1MDB yang ternyata palsu.

JAWAPAN

Tuan Yang Dipertua,

Untuk makluman Dewan yang mulia ini, pihak pengurusan baharu 1MDB kini sedang menyiasat perkara tersebut dan akan mengambil tindakan sewajarnya selaras dengan hasil siasatan serta nasihat daripada Jabatan Peguam Negara.